

Gaulapua: Bible for 1 Peter, 1 Timothy, 2 Thessalonians, 3 John, Galatians, Hebrews, Jude, Philemon, Philippians, Titus

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Galatians

Chapter 1

¹Paul ,ie naurata tame natamtamaol me naurata mataretoe avo,jesus krais me tame natavolo seie ie ipamamatange mule ke namatega.²Me iau me waikme emla ke narumpua Nagalaisia .³Nakewaige me natetawaiga ke tamara Natavolo me Jesus krais imai kiami .

⁵ ke ie egiro igingin volem anauna.⁶Iau natokrai page iami apul remi pae nakewaiga ke krais.i au natokria iami amapul ala ke nagoga rolue ⁷ Iau naviso nanonga rolue avo me natamtamaol terenge tikeve siage pagami me tipule nangoga nalge ke krais.⁸So iem avo angelo ke heven emliwole nangoga rolue page eko eta navolaio itoke siange.⁹Matanga iem emvul ,me emvul pau so tia ivule nangonga rolue page eko eyopa etoke siange ¹⁰Eko ei liakoko iau napainaknake popue ke natamtamaol avo ke natavolo?avo iau napagelgele natamtamaol? soge iau tako napagelgele natamtamaol eye iau naurata tame kie krais avo.¹¹Waikme iau nakimso anal, nangonga iau naliwole eo ke natamtamaol avo . ¹²Iau natokokisike ke tea avo ,tea iliwoliau avo, eko nangonga kounge ke krais .

¹³Iami along iau page legol Mugange iwatie Najuda regol, iau nakepsiange page natavolo larumpua. ¹⁴Iau lekwotainga aingegata page ere Najuda regol, moguls pae iau waikme¹⁵Me Natavolo, sei itol iau ke anage apua,Natavolo eko ikavauau gon ke ie lakewainga,¹⁶Me ie tinia igelgel ,so ipotnae Tua pagau me naliwole mugula kire ire Nagentael,i au asosongak ke tea remua avo. ¹⁷Iau navira nala Jerusalem kire nauratatamareme seime tipot muga pagau. Me iau nala Arabia me namule namai Damaskas.¹⁸Aimul page nalai tol navira nala Jerusalem so nanal page Cephas me so emuilwa em gingin naetne sangaul me masa. ²⁰Navunga ilulu ke nageigeinga i wot kiami ke Natavolo mate iau napokaka tiavo. ²¹Apata nalaknge napano manmania ke Siria Cilicia. ²²Narumpua ke Krais elo Judia lo tinal page matak tiavota. ²³Tilonge eol volem,navolataio ikep mange pagita io eliakoko ililivole naol nalnge ke naogainga ikepsio ipasiange. ²⁴Page iau ire tivira pae Natavolo epasis.

Chapter 2

¹Eimul ke nalai sangaul pange, iau namule nala Jerusalem me natoke Barnabas, me Taitus emrenge emla.²Iau navira nala Jerusalem pa iau natoke nangonga kounge teata naliwole ipot mugula kire natamta me neiware. Iau nangongo nakaunga pagire eingare ke, napaunakire vileko, iau nawavel sapa avo.³Me Titus ie Grik,se emilua emgingin,eta tivul einge page so tipalve avo. ⁴waekme ire napokakangare timai tikou me tilei nanakem . Emviso luila ke Krais Jisas. Ire remore so tikeviem emkep urata sapa. ⁵Nasau tea emtoliami rounsio kiami avota, me emkeve nangonga onauna isio kiami.⁶Ire seime tivusoge ire ngata [Natavolo isouso tikeve navunga arigia tiavolem avo] -eio seime iau navuso ire aingare, ire tikeve nagol tea pagau avo.⁷Ke, arigia ire tilaeia vileko natavolo ikeve naurata imai kiau ke naliwole nasonga ila kire seime tipalure avo yo, Natavolo ikeve naurata page Pita so iliwole nasonga ila kire seime tipalure. ⁸Natavolo ie seie ikep urata luila ke Pita, ie naurata tame pagire seime tipalure avoio. Eio Natavolo, ivul iau so nawai nourata tame ke natamta me neiware.⁹Jems, Sifas, me Jon, seime natamta me neiware, tileingare pa tipei mule narumpua. Ire tilaknge nakewainga ke Natavolo, mogula ke iau me Barnabas sevaio emkeve napakilalanga. Ire relmore tiavolem pagem so emla , me ire tila kire seime eio tipalure avoio. ¹⁰Ire tivetaem volem, iami taio mataminana kire seime isouso tipaulo mulere avoio, eio navunga soknge iau remok page so akeve.¹¹Taio Sifas imai Antiok, ke mate iau osik page, pa tivule vileko ie ikep rau. ¹²Laue talo natamtamaol tengere timai ke Jems avota, me Sifas tirenge seime ire Najuda avoio tikan. Nasau talo natamtamaol timai, ie ila aluailia pagire Najuda pa ie imotoure pa ire seime tingongo ulare pa napalunga.¹³Ire Najuda terenge pau tiwatagole naol napokakanga. Me Barnabas pau ie ileinge naroro ke naol napakakanga kire pau. ¹⁴Taio naleie regol vileko tiwatae nangonga onaunange tiavo, iau navul mutuke Sifas ke neiwol ainge matare so iom taio Najuda eisaela iom kungongo ainge pagire waem seime Najuda avoio?¹⁵Tnaem isigiem la iem volem emwai natamtamaol ke Najuda pa iem siangaem iwai Gentael avo. ¹⁶Ta iem emwotai natamtamaol tea isou pa ipot nalnge ke naotolnga ke nourata avo, me naroro ke naogainga luila ke Krais.Pa nourata ke naotolnga tea isoupa ipot nalnge avo.¹⁷Takim so nalngara io tala luila ke krais, pa ita tako nalngara avo iami remomi so ie pa ipavotvote nagol siange? avo ngata onauna. ¹⁸So iau napei mulere navulnga ongare siangare, eio iau napalatike naotolnga. ¹⁹Pae naotolnga iau namate , eta iau namamata me nagingin gon ke Natavolo.²⁰Pa iau tinugauau emilwa Krais ke naivalatnge. Eko iau volem nagingin avo, me krais ilulu kiau. Leginginga ke anok eio naginginga gon kie naogainga luila ke Natavolo Tualia, seie ikimiau me ikep mule pagau. ²¹Iau tinik so nakeve Natavolo lakewainga ipot iwai navunga sapa avo, paso ita tapot nalngara gon ke naotolnga eio , Krais imate sapa.

Chapter 3

²Eniko navunga tea iau nakimso nanal gon kiami: iami nanun nalnge me naurata ke nanalnga avo nalongonga ke nakewainga?³Iami amigara? iami arenge anunia nalnge, akep urata me eliakoko iami apakure page anumi ?⁴Avo iami atoke nakarkarnga siange sapa-avo iami aik sape nakarkarnga? ⁵Avo natamtamaol ikeve Anunia nalnge page iami me nagol nalanganga mugula kiami page nourata ke nakonoalanga avo me nalongonga nangonga?⁶Iwai Abraham "Iogai Natavolo ta itoke napasis nalnge ," ⁷Pa naroro tiavolem iami sevaio aleinge , pa ire tiogai, eio ire tipot namelamela ke Abraham. ⁸Nangonga ke Natavolo ivul ipot muga vileko, Natavolo pa iunake nangonga kire rolware eo nalnge. Nangonga ko ipot muga ke Abraham me ivul, page iom natamtamaol ke natatano eko pa tinre igelgel. ⁹Avo seime tiogai eio pa tingere Abraham, tigingin me tinre igelgel pa ie natamtamaol ke naogainga.¹⁰Natamtamaol seime tikev urat iwatae nangonga naialanga epa siangare,Pa tigeigeike vileko,Siange pa ilaure seime tapalatike nangonga naialanga talaue ke nalaulau.¹¹Aliakoko imalamalanga ngata so tia isou pa ipot nalnge ke Natavolo mate pae nangonga naialanga tiavo,pa natamtamaol ipot nalnge pae naogainga volem.¹²Nangoga naialanga eio naogainga avo,me natamtamaol seie ikev urata pae nangonga naialanga epa igingin kenge.¹³Krais itoko muleita panga nagol siangare ke nangonga naialanga me ie siange pagita,pa tigeigeike vileko,siange pa ilakire awainge seime titutu ke naivalatnge"¹⁴Pa so blessing ke Abraham ila iseilut kire Nagentile pae Krais epasis,Pa so vileko eta page naogainga volem ita pa ta toke navitnga ke Anunia Nalnge.¹⁵Waek me, isou pa nangonga pae ita natamtamaol alangara.So lau weta navolatia ikeve navitnga me ipapote pae nagonga naialanga epa isou pa tia isarungke me igalvate avo.¹⁶Nvitnga Natavolo ivitike pae Abraham me tivuakire.Ie ivul pae tivuakire lo ire nei ol avo me ivul pae tivolem, Eo Krais.¹⁷Iau matak toue so vileko: Nangonga naialanga ipot aimul page nalai tamta pange me sangaul tol,eio imai me isere covenant Natavolo ipapote muga tiavo.¹⁸Pa so napakesnga navulnga so nangonga naialanga ipapote eio navitnga tiavo,Pa Natavolo ipotnae pae Abraham page navitnga.¹⁹Pua aisae la nagonga naialanga ipot? Nangoga naialanga ipot page nasagula,Ila isou pa Abraham tivuakire tipot pea navitnga.Angelo tiparaparange nangoga naialanga page natamtamaol mugulae eio Krais.²⁰Natamtamaol imari mugula eio so ire songan, me Natavolo eio ie tawa ngata. ²¹so vileko nangoga nalanga pa isapore navitnga ke Natavolo? Onauna ngata isou avo! So nagonga naialanga ikeve namamatanga eio vileo pa ipapote nagol nalnge ke Natavolo pau.²²Me nangonga ke Natavolo igalgelalare navunga ta neingur ko pa nasagula.Natavolo ikev vileko so navitnga pa ipaule naogainga page krais ila kire seime tiogai.²³Matanga ke naogainga imai,ita nangonga naialanga igalgel alaita,Nagel ivaliuta isou page naogainga imai ipot onua.²⁴Eta nangonga naialanga iwai ita tamara me tnara nawarnga ila isou pae Krais imai,meta ita tapot nalngara pae naogainga.²⁵Me aliakoko naogainga imai o eta ita tagingin vulolo ke Tamara me tnara nawaranga tiavo o. ²⁶pa iami namelamela lautavare ke natavolo pae naogainga luila ke Krais Jisas.²⁷Iami seime Awaliu luila ke krais eo krais pa iparulkami pe ie elulunga.²⁸Najew avo Nagreek avo napakungare avo me natamaol napakungare avo me natamta avo me neiware,pa iami naiolange ko alulu ke krais.²⁹Eta so iami alulu ke krais eio iami nativu ke Abraham page nvitnga ke Natavolo.

navunga ketame , isaupa naetne soknge tame matetoe ta ie itokore.³ Me ita muga io tawai namelamela pa nagol siange ke natatano igelgel alaita. 4 Me , Nasau Tia Natavolo matetoe pa imai, Natavolo ivule namelamela kie imai ke naiwe tia ta isige raunsio page nangoga ke naialanga .5 Eta Natavolo ikol mullere saeme tingingin raunsio ke nangoga ke naialanga.6 Eliakoko ita tawai namelamela kie. Papua vileko ie igule nanun nalnge kie Tua imai ilu kita me iem emkava "Aba, Tamaem" . 7 Eliakoko iom kusio Kuwai napakunga Chapter 41 Iau navul vileko navunga ke tame eo ke namelamela , soge namelamela kaporia ngata eo iwai nauratatame sapa tea , so ie ilaeleare navunga tengere kietame. 2 Pa Ie sou igingin raunsio kire seime tilelere navunga ketame , isaupa naetne soknge tame matetoe ta ie itokore.³ Me ita muga io tawai namelamela pa nagol siange ke natatano igelgel alaita. 4 Me , Nasau Tia Natavolo matetoe pa imai, Natavolo ivule namelamela kie imai ke naiwe tia ta isige raunsio page nangoga ke naialanga .5 Eta Natavolo ikol mullere saeme tingingin raunsio ke nangoga ke naialanga.6 Eliakoko ita tawai namelamela kie. Papua vileko ie igule nanun nalnge kie Tua imai ilu kita me iem emkava "Aba, Tamaem" . 7 Eliakoko iom kusio Kuwai napakunga tame tiavo, iom kuwai namelamela, ngata ke natavolo.

⁸Pa Nasau talo iom kuotae Natavolo avota me seime erepasis ke natatano, eio tikeviem empot emwai nourata tametame kire , pa irengata eretavolo tiavolem . ⁹Eliakoko iami aotae Natavolo, avo iau nasou so navul vileko Natavolo ivul so iwotaiami o, page pua eisaeko la iami amule alapau knge naremo polpolia ke natatano, soknge ule avo me soknge eanga avo. Iami akim so agingin knge napakarkarnga pau?¹⁰Iom kukeve naleinga abinge ke naetnareme me natop paure me nasau me nalai tiatia. ¹¹Iau namotou pagami pa vileko naurata nakeve pagami eio vileko iau nakepurata sapa me eianga avo.¹²Waek me, iau navetami, so iami apot awai iau, eta iau pa napot nawia iami. Pa iami akep rau pagau avo. ¹³Pa iami aotai vileko narivalnga tia taio kiami, pa iau nalirole nasonga pagami muga. ¹⁴Tagule nasimou ke tinik ko isio kiau pa ikeve karngae pagami pa iami arika me apul rimemi pagau avo. Eio iami atokowau iwai Ensel avo nawai Krai Jisas.¹⁵Napavotvotnga kiami siang ilao? iau naliwol mot kiami vileko, so naroro tia iami isou pa atoke eromi imai kiau. ¹⁶Iami, atol aromi pagau pa iau naliwoliame pae nangonga onauna?¹⁷Ire relmore ule so titokoami ala kire ta, iom pum nalnge avo. Ire tikime so iami asio mange ta eio eremo puatia avo. Ire tikime so tikis kami asio mange paso iami remomi votvotia me awatae naremonga kire. ¹⁸Ie popue ngata page naremo siange page popue kie, Iom lemgol eio einge me popue so igingin kiami me iau.¹⁹Iau lekmelamela kaporporia, me pau iau remok ikarkar pagami iwai neiware tikarkar nasiknga eio iwai kuleie kraisi itoko muleita me ipot mange kita. ²⁰Iau remok navinge ngata eta napule nangonga iau nakeve pagami, pa iau remok siange ngata pagami. ²¹Kuvul iaula, iom seie remok navinge so kusingin vulolo kire, iom kulonge nangonga ke naialanga avo? ²²Pa eisae, nangonga isio vileko, Abraham lamelamela natamta lua, teia ke neiware ivoko sapa me teia ke neiware ie ewanewe mot. ²³Tea ipot page neiware ivoko sapa pa iwatae lagol ke tinia , tea pau ipot ke neiware kie mot me ie iwatae navunga ikonomot. ²⁴Navunga eriko ita taleie iwai nanun sapa, neiware lua tikeve reva kontrak. Tea imai ke Nalolo Sinai me ie isike namelamela ke napanononga sapa. Eio Hagar. ²⁵Eliakoko Hagai iunake Nalolo Sinai luila ke Arabia, ie iunake Jerusalem eko eliakoko, pa ie me lamelamela ke napanononga. ²⁶Pa Jerusalem ke eilut eio ikono savavange iwai ita tnara. ²⁷Pa nangonga tigeigeike ikono,"Natinigelgelnga, pa iom kusik avoio;kutang ipot me aoum livua, me atem kus pa iom kukarkar pae nasiknga molo imai; pa namelamela kusik sapare eio songan ngata page neiwe sei ewatamta."²⁸Page iom, natamta, iwai Aisak, iami namelamela ke navitnga. ²⁹Page nasau tea seie tisige gon ke anora me tikep siange page epa tisige gon ke nanuni. Tingtea iwai eliakoko.³⁰Me nangonga ivul aisae?"Agule neiwe ke napanononga me tualia tila. Pa namelamela ke napanononga isousou ipote navunga ke namelamela navinga avo." ³¹Aisae pagire, waek me ita ko namelamela ke neiwe napanononga avo,ita ke neiwe navitnga.

Chapter 5

¹Page krais ita tinra ser. kumari votvot, aisae, kumari ulam me kukeve nasagula avo pavileio kupot nourata tame ke nasagula. ²Kuleie, iau, Pol, sei navuliami so iami tipaluami, eio krais isou pa ipauloami avo. ³Iau navul ipot kiami seime eio tipaluami so awatae navunga ke naialanga. ⁴Iami akorarange krais,iami eio isoupa awata popue page nangonga ke naialanga avo; iom isoupa kilale nakewainga molonge kie avo. ⁵Page Anunia volem,me naoguainga,ita tagingin tawaita me takeve nagol nalnge. ⁶Luila ke Krais Jisas epa tipalue me ire tipalue avoio eio navunga tea, so ire naogainga me nakimnga tivoko patia. ⁷Iom kuavel pua ngata. Seie ileileiom so kuatae nangonga onaunange? ⁸Nangonga ke naparungrungnga eio imai ke seie ikavaom io avo!⁹Yis polia ikeve bret itut. ¹⁰Iau remok rung luila ke aravainge so iom kutoke navunga teapau avo. Me sei ikep siange pagam eio pa itoke ekolnga siange, avo sei ngata. ¹¹Waek natamtame, so iau navul ipot page napalunga kiami, so iau pa napasiange namamatanga kiami page nagol iau napapalami so awatae nai valatnge. ¹²Page natamtamaol sei tingongo votvot page, iau nakimiami so atote tinia ngalua. ¹³Waekme natamta, so iami nakimso agingin ke natinisernganga, me iami sovaio apainaknake naroro ke nakepnga nagol siangare avo. Iami sevaio akimre waemi me akep puare. ¹⁴Nangonga nakonaoalanga ke Moses ipot malamalange luila ke nakonaoalanga." elo eisae, iom sevaio kukime waem iwai iom kukim muleiom. ¹⁵Meso iom kulaue waem me pasiangre avo, iom sevaio kuleilie pue ie me tiapau. 16 Esae iau navuliami, me iami sevaio alala luila ke anunia nalnge eta iami sevaio akeve nasagula ke natavolo mate avo. 17 Nakimnga ke nagol siange ikime anunianalnge avo, anunianalnge itola page nagol siange avo, pa erelua osire polol, pa iom isouso iomtoum keve nagol tia ipot avo. 18 So iami alululuila ke anunia nalnge, naialange isou ikaukaukiami avo.19 Pa eisae nurata kenagol mungange ipot mange, narelmo garange ipot naie nangol neigua me ipasiange nagol popue ke auwainge me relmore ikono ke nagol siange. 20 Napakurnga natavolo napokakanga, navorou ekepnga, natolpolnga arore, naosinga, nagalpotanga naremo, namataiknga, natepapaknga, nakepsosonga, me naopolnga. 21 Namata sonsonnga, nakepgaranga, naririalnga, me nagolsiangare trenge pau regolvileko.io navuliami munga apua, me eliakoko pau. ire seime tinginginpanga nagol siangare eriko,ire isouso titokore navunga ke natavolo lamulenga avo.22 Me natavolo anunianalnge ivirapagita so ikevire nagol eriko, atera pagire rolware, remora igelgel ,atera itawai, atera imate pua, takeppuare natamtamaol, takeve navunga onauna volem. 23 Ragol moiange, me tamunga puare . nagol eriko , naotolnga tia me ivul siange panga tiovo. 24 Me ire saeme ke yesus krais, ire tipamatange naremo siange mugange ke anore me ie lagol apuayo ke naivalatnge.25 Me tamamata gon ke Natavolo anunia nalnge,eta tagulonae ie tawa imuge ralalanga ta leiliako. 26Me aora ikep mule sapaita avo, tapailiu polta avo, matarakan polta panga revungaavo.

popue taio akeviame page. me matamitoe mule lemaurata so popue taio akavaiami page. me matamito waemi terenge pau naurata page kiami me akavaiami page avo. 5 Pa ita Natamtaol tiatia pa teik ngate nangonga ita ragol takevire. 6 so tia ipautiami page Natavolo langonga, eio iami sevaio atengai limivunga popuare arigiapage ketipaule. 7 Sevio apokakamuleami avo, Pa Natavolo isou pa tia ipagarange avo. nanga lagol eisae iom kugune spa kutoke anua tiatia iwai taiom kugune io. 8 Eta natamtamol seime tiwatapue naremo virange siange ke anore, epa titoke anua namatenga. Me ire seime tiwatapue Natavolo anunia nange, epa titoke anua namamatanga molonge ekauranga avo. 9 Eta ita sevaio tamaia panga nagol popuare erekepanga avo. So ita taola avo, epa tatoke eva popue page nannga anore. 10 So lelengara page lawe tia so takeve nagol popue pagire natamtamaol eio sevio takeve popue pagire. me takep toutowoi ke ngata pagire ire nawogaingare.

¹¹ Aleire nageiggeingare iau nageigei ke iwot kiami page iau vagek. ¹² Alongo iami natamta erio votvotire ngata eio so apaluami. Ke akeve iwai nasae ire tikim so titoke napasis einge ke waire erore. Ire tiwota me timotou, pavile waire tiwotai so ire tivogai page natutunga ke yesos, pa ire tikimso tipasiangare. ¹³ Ire seime tipalumulere eio pa tiwatae naotainga avo, pa ire tikimso tipaluami so atoke napasis page iami tinimi. ¹⁴ Eio isouso navira mule page akpasis avo, nagol ke natatano imate pa naremo kiau eilut knge nai valatnge yesos krais sevaio kuiwatae nagol ke natatano avo.

¹⁵ Pa neiwol awainge isou pa tisekng nakono atnge, naremo popue me nakewainga ke Natavolo pa isiokire ire Israel. Matanga me eliakoko me ila, iami natamta me neiware sevaio akep siange pagau avo, pa iau neige Yesos anua ke iau tinik. ¹⁶ Page nakewainga ke Aravainge Jisas krais igingin ke nanun kiami. Onauna.

Philippians

Chapter 1

¹ Iau Pol me Timoti, iem nourata tamareme ke Krais Jisas iem emgeigeike nalaulau eniko ila kire natamtamaol seime titengai mulere page Krais Jisas ² seime ire tigingin Pilipai, tirengere eremariringa me erepaulongare ke narumpua. Nakewainga taio kiami me nate tawainga ke tamara Natavolo me Aravainge Jisas Krais. ³ Iau navul savurim page iau Aktavolo page nae vunoinge iau matak nana kami. ⁴ Nae vunoinge ke iau lekpavulnga pagami, iau sevaio napavul itolaknge natini gelgelnga. ⁵ Iau nakeve nangonga ke natini gelgelnga page iami limi ginginga luila ke naol popue knge naetne matanga imai ise ailiakoko. ⁶ Iau remok votvotia page navunga tiavolemnga eio vileko, navola seie ipamunge nourata nalnge luila kiami ie pa ikeve ila la isou pa ipakaure ke naetne ke Jisas Krais. ⁷ Iau sevaio tinik igelgel pagami neiwolainge pa aisae me iau nakim iami ngata me iami neiwolainge tako alulu luila ke iau atek. Iami ta neiwolainge io ita rourata tiavolem luila ke nakewainga ke nasau iau nagingin luila ke kalabus me page nasau iau nagingin mange me naliliwole naol popue. ⁸ Natavolo ie inalpua pagau, pa aisae me iau nakim iami ngata itolaknge naremo sianganga ke Krais Jisas. ⁹ Iau napavul pagami vileko, so iami limikimnga pagire waimi tengere pau pa ipot ainge la ila ngata luila ke liminalnga. ¹⁰ Iau napavul page eniko pa aisae me iami pa avul pua page navunga soknge nalnge me nagol popuare, me iami pa akep rau avo ke naetne ke Krais. ¹¹ Iau napavul pau vileko so iami pa apon panga nanga ke nagol nalnge soknge igon ke Jisas Krais, eta navirapanganga napasis ainge ke Natavolo. ¹² Iau nakim iami waek natamtame so awotae nasae ipot kiau, eniko ipaule iau ke neinge naol popue ila ipot, eta natamtamaol sogan tinal page naol popue. ¹³ Page eniko, neiwol napalpongare me awainge ke Rom tiwotai vileko so iau navola tea nakalabus me nangongo ipot page naol popue ke Jisas Krais. ¹⁴ Waek natamtame votvotire ngata luila ke Ainge pa aisae iau nagingin ke kalabus eta ire votvotire me timotou tiavo ke tiliwole nangonga onaunange. ¹⁵ Tengere tiliwole Krais pa aisae me ire remore siange me naosinga me ire tengere tiliwole Krais pae narelmonga popue. ¹⁶ Ire aimul are tiliwole nangonga ke narelmo popue tiwotai so iau napot wai nagel ke naol nalnge. ¹⁷ Me ire seime tiliwol page Krais matanga eio ire tiliwol page nagol ke nalitainga me ke narelmo popue tiavo. Ire remore so pa tikeve iau tinik igelgel avo nasau iau nagingin ke kalabus. ¹⁸ Pa aisae? Page naroro eniko luila ke napokakanga avome nangonga onaunange, ire tivul ipot page Krais me page eniko iau tinik igelgel. II. Me pa iau tinik igelgel. ¹⁹ Me page eniko volem iau nawotai so iau pa nakororange kalabus luila ke iami limi pavulnga me napaulonga ke nanun ke Krais Jisas. ²⁰ Me iau tinik so nakeve

navunga tia me ikeve iau mamaok avo, me itolaknge naremo votvotinga ke nae vunoinge, Krai pa itoke napasis ainge page iau anok, page nasau iau namamata avo me iau namate.²¹Ke iau so namamata eio Krai me page namatenga epa iau natoke nakolnga.²²Me songe iau nakim so nagingin mamatangak luila ke anok, eniko eio nourata popue kiau.Me iau pa matak ikono page naroro soknge? Iau nawotai avo o.²³Me iau nagingin mugula ke namatenga avo me namamatanga.Me nakimnga ainge kiau eio so nala me nagingin ke Krai,eniko eio popue ngata.²⁴Me so nagingin ke anok eio popue,eio page popue kiami.²⁵Me page naoguainga ke eniko, iau nawotai vileko so iau pa nagingin ta me natolakngami neiwol ainge ke tavoko voko ila ta me tini pa igelgel luila ke naoguainga.²⁶Eta luila kiau iami pa remomi pua ainge ke tinimi igelgel luila ke Krai Jisas page naetne iau pa namule namai kiami.²⁷Eta akep mule iami amai wai natamtamaol ke tiwata pue naol popue ke Jisas, eta page naetne iau namai ke nalei iami avo me naetne iau nagingin avo,iu pa nalonge amiol (napu),vileko so iami taio amari votvot luila ke nanun tea, page naremonga tiavolem ke tavoko ulara so tapaule naol nalnge.²⁸Eta sevaio amotoure natamtamaol seime tigingin tiwai iami ami mili avo.Eniko eio iwai nounaknga kire ke titoke siange ainge kire,me page iami Natavolo itoko mule iami,eniko eio imai kie Natavolo.²⁹Eta Ie ivul pua pagami page napasis ke Krai, eniko ke aoguai sapa page ie volem avo,me iami sevaio ala alu ke nakarkarnga naveinge me natini patanga page ie epasis pau.³⁰Me page nagol tingtia ke naosinga me napalpunga iwai iami ale ie kiau,ailiakoko iami pa alonge kiau.

Chapter 2

¹Me songe nangonga tea ke ipavotvot iami luila ke krais, me songe iami agingin pua luila ke nakimnga kie, me songe nagol ke napavulnga luila ke Anunia Nalnge, me songe nakewainga me naremosianganga mugula kiami, ²epa iami akeve iau tinik igelgel ngata songe iami remomi tingtia, me iami limigol ting tia ke nakimnga, me iami apot tiavolem luila ke anunimi, me iami sevaio remomi tiavolemnga ke apapote navunga tiavolemnga. ³Iami sevaio akeve navunga tea ke matami ikono mule pagami volem avo, avome ke atoke napasis ainge. Avo me page nagol ke atol mule iami aroun, iami sevaio aleire waimi tengere popuare ngata pagami. ⁴Iami tiatia sevaio matami ikono mule pagami volem avo, me iami sevaio aleire or matami ikono page nakarkarnga me naremonga kire waimi tengere pau. ⁵Iami sevaio limigol tingtia wai nagol ke Krais. ⁶Jisas ie Natavalo, me ie itoke naremonga vileko, so isio igngin wai Natavalo avo. ⁷Me ie iguloman page napasis ainge kie me lava narenren. Me ie ipot wai natamtamaol ke natatano. Me ie ipot wai nourata tame volem. ⁸Ie itolmule iroun me iwatae nangonga ke Natavalo ila iseknge namatenga, me ie imate ailut ke naigasange! ⁹Eta Natavalo ivira page ie ila ailut ngata. Me ie ikeve napasis tea page soknge ailut ngata panga napasis tengere pau. ¹⁰Natavalo ikev vileko, pa aisae me luila ke napasis ke Krais, natamtamaol neigur ainge ailut ke heven me knge natatano me ke natatano remua pa tikat aere page. ¹¹Natavalo ikev vileko songe natamtamaol ke nangonga vunoinge pa tivul ipot vileko, Jisas Krais ie Ainge, me ire pa tivira page napasis ainge ke tamara Natavalo. ¹²Vileko ta, iami narumpua kiau ngata, iami sevame awatata pue iau lekgongonga, pange lawe iau nagingin kiami volem avo, me eniko sevaio ipot sogan page lawe iau nagingin kiami avo io pa. ¹³Me page namotounga, iami sevaio avoko ulami so aunak vileko so iami narumpua seime Natavalo itoko mule iami o. ¹⁴Me page navulnga vunoinge iami akevire, iami sevaio osimi avo o agongo tangtang avo. ¹⁵Akep vileko ta iami pa apot wai natamtamaol tikep rau avo me tingingin pua, wai namelamela ke Natavalo tinre galtiatia avo. Akep vileko ta iami pa apot wai navavanga milmil mugula kire natang kikgare me nalongoilil gare ke natatano eniko. ¹⁶Akis rungke nangonga mamatange ke Natavalo me page eniko iau pa tinik igelgel page naetne ke Krais lamainga. Me iau pa nawotai vileko so iau nawavel sapa tiavo avome me nakep sape nourata tiavo. ¹⁷Me songe iau lek mamatanga imotoktok iwai natengainga so ikeve nourata ke ipavotvote naoguainga kiami, iau tinik igelgel pagami neiwol ainge. ¹⁸Me page nagol tingtia iami sevaio atolak ngauau ke tinra igelgel. ¹⁹Me iau remok rung luila ke Ainge Jisas so nagule Timoti imai kiami pelei, pa aisae iau nakim so nalongore navulnga popuare iami akevire, isou so eniko ipaulo iau pau. ²⁰Pa aisae, me iau lektamtamaol tea ie lagol tingtia iwai ie avo, seie sevame remua siangange pagami ngata. ²¹Page aisae, me natamtamaoal tengere pau ire neiwol ainge ire sevaio tikeve nourata kire volem me ire remore panga navulnga ke Krais tiavo. ²²Me iami awotai nagol nalnge kie, tingtia wai namelamela ilongo pue tame langonga me iwatae, Timoti ie itolaknga wau emulua emkeve nourata luila ke naol nalnge. ²³Iau nalei puenge, songe navulnga tiwavel o tivoko pua kiami eta iau nagule Timoti imai pelei kiami. ²⁴Me iau remok rung luila ke Ainge pau vileko so iau pau pa namai towoi o. ²⁵Iau remok so popue vileko so egulonga Epafrodaitus imule imai kiami. Ie iau waek natamta me emulua lemourata tiavolem me emulua sevaio envoko wai natamtamaol ke napaulongare, me ie igige iami limigonga iwai iau lekgaurata tame. ²⁶Pa aisae ie remua siange ngata me ie ikim ngata so angere agingin, pa aisae, me iami alongo so ie irival. ²⁷Onauna ie itoke narivalnga naveinge la towoi songe imate. Me Natavalo remua siange page, ie volem avo, Natavalo remua siange pagau pau, pa aisae ie tinia so iau nasouwe nakarkarnga me naremo sianganga sogan avo. ²⁸Eta iau remok ainge ngata songe nagule, eta iami pa tinimi igelgel page naetne iami pa aleie pau me iau pau pa tinik igelgel me remok itawai. ²⁹Atoke Epafrodaitus pua page narelmonga ke natini gelgelnga luila ke Ainge me akepuare natamtamaol seime tiwai ie. ³⁰Page nourata ke Krais volem towoi songe ie imate. Ie mate ila page emamatanga tiavo me imai ivoko kiau, ie itoke iami mulimi me imai ikeve nourata eniko.

Chapter 3

¹Iau waek natamtame, so napakaure nangonga, iau nakim so navul iami vileko iami sevaio tinimi igelgel page Ainge. Pa iau tinik itola ke navore nalaulau eniko iwot kiami pau tiavo, pa aisae eniko pa ipaulo ami so agingin pua.²Iami sevaio matami ikono pagire natamtamaol seime ire tiwai nagaune, ire sevaio ulare ke tikeve nagol siange, me matami ikono pagire natamtamaol seime tikim so tipasiange tinimi.³Ita seime tipaluita, eio seime ita sevame tapakilala page Nanun ke Natavolo. Eiota ita sevaio tinra igelgel luila ke Krai Jisas, pa ita relmora ikono panga navulnga ke anora tiavo.⁴Iau touk relmok so iau nasou panga navulnga ke tinra, me soge natamtamaol tea relmua so ie pa isou panga navulnga ke potira,eio iau napairilekire neiwol ainge.⁵Iau tipaluau ke naetne masa me tol, ke noulum mate ke Bensamin, me iau natamtamaol tiapau ke narumpua kire Hibru nagingin luila ke lo, me iau Parisi.⁶Iau relmok ainge so nakeve nourata ke Natavolo, pa iau nakep siange page narumpua ke Natavolo, me so matare ikono page lo me tiselele iau legol, epa iau legol siange tiavo.⁷Me iau naleire navulnga sogan ainge ta popuare eio tipot wai navunga sapa me iau nawatae Krai.⁸Eta ailiakoko iau naleire navulnga neigur ke natatano tiwai navulnga sapa page Krai Jisas Ainge kiau. Iau naguloman panga navunga neigur ainge, me iau naleire tiwai nasakir eta iau pa natoke Krai ⁹me nagingin luila kie.Iau napot nalngak panga iau legol nakevire ke nawatapue lo tiavo.Tiavo. Iau napot nalngak page naroro ke naoguainga page Krai,me ie imai ke Natavolo seie naoguainga pua.¹⁰Eta ailiakoko iau nakim so nawotae naseinga emir ivira mule page ie me iau nakim so natolaknge ie page nagol ke nakarkarnga aiknga. Me iau nakim so namapul nala napot ke nagol ke namatenga.¹¹Eta page naroro tengere, iau isou pa nala ke naroro ke naviramulenga ke namatenga kie.¹²Iau nawotai vileko so natokore navulnga eriko avota, avome napot nalngak. Eta iau navoko ulak ke nakis rungke nagol ke Krai Jisas waita ie ikis rungke iau.¹³Waek natamtame, iau remok isou avo so natoke nagol eniko ta.Me relmok tiavolenga volem eio..Iau naguloman panga navulnga ke munga me iau navoko ulak soge natokore navunga pa tipot aimul.¹⁴Iau nawavel ulak ngata so naseknge namuli ke natoke nakolnga ke heven Natavolo ikavawau luila ke Krai Jisas.¹⁵Ita neiwol ainge tapot aingara o, ita sevaio remora vileko, me so iami remomi rolwe tia pau panga navunga tengere, Natavolo pa itole ipot mange kiami.¹⁶Me navunga soknge ita tatoke o, eio ita takis rungke.¹⁷Waek natamtame iami sevaio awatapue iau legol.Me iami sevaio alei pue nagol kire natmtamaol ire seime sevame tiwatapue iem lemgol.¹⁸Ire sogan tako tilala, page ire iau sevame nangongo toitoi pagami me ailiakoko iau navul iami pau itolaknge erok ulia ilele ipot kiau. Natamtamaol sogan ire tipot wai namili ke nai gasange ke Krai.¹⁹Natamtamaol airiko aimul pa titoke siange kire pa aisae nakimnga ke tinre ipot wai natavolo napokakanga kire me ire sevaio tinre igelgel so tikeve nagol ke namamanga. Ire relmore ikono kngare navulnga ke Natatano.²⁰Me ita tasio wai natamtamaol ke heven me taroknge Ainge Jisas Krai pa ikororange heven me imai itokoita.²¹Itolaknge namir ainge kie, Krai pa i paule ita tinra ipot wai ie tinia ngata me navulnga neigur ainge pa tisio vulolo kie.

Chapter 4

¹Eta waek natamtame, iau sevaio nakim iami ngata me iau nakim ngata so nalei iami. Iami eio natini gelgel kiau, me nakolnga iau natoke. Me page naroro eniko iami sevaio amari rung luila ke Ainge. Waekme iau nakim iami.

²Iau navetaom Iodia me iau navetaom Sintike soge amari ke naremonga tiavolemnga luila ke Ainge.³Onauna ngata, iau nakim vileko iami seime takeve nourata tiavolemnga ngata iami sevaio apaulore neiware airiko. Seime ire tige nakarkarnga titolaknga wau me emkeve nourata ke Ainge ila me ila volem. Me itolaknge Klemen me iau waek nouratare tengere pau seime erepasis talo ke Buk ke namamatanga.⁴Natini gelgelnga luila ke Ainge nae vuno, me iau navul pau natini gelgelnga luila ke Ainge.⁵Akevire natamtamaol sevaio tileiknge nagol nalnge kiami pa aisae me Ainge taio towoi.⁶Iami sevaio relmomi siange page navulnga tea avo. Me navulnga aingur ainge, napavulnga me navetanga itolaknge nangonga savurim ila ke Natavolo. Akeve Natavolo isou ke ilei kngare navetenga kiami.⁷Me nate tawainga ke Natavolo eio ila ngata page narelmonga kita natamtamaol, isou ke irukale narelmonga kiami luila ke Krai Jisas.⁸Songe napakaure nangonga, waek natamtame, navulnga sokngare eio onaunange, navulnga sokngare isou ke itoke napasis ainge, navulnga sokngare eio nalngare, navulnga sokngare eio eregol tea siange avo, navulnga sokngare eio popuare, me songe so navulnga tea isou ke itoke napasis ainge eio iami sevaio relmomi ikono page.⁹Navulnga sokngare iami atoke erepautanga me atokore, me alongore me aleire luila kiau, iami sevaio akevire eta Natavolo ke nate tawainga pa igingin kiami.¹⁰Iau tinik igelgel pua ngata page Ainge pa aisae me ailiakoko, iami relmomi pagau pau. Onauna la onauna, iami sevaio relmomi so apaulo au munga me page naroro tiavo eta iami apaulo au tiavo.¹¹Iau nangongo vileko so navul iami so iau namoro page navulnga tea avo. Pa iau nawotai ke tinik igelgel page navulnga sokngare iau lekva ke nae tiatia.¹²Iau nawotai ke napot wai natamtamaol ke lekvunga songan avo me natamtamaol lekvunga songan avo. Page naroro vunoinge me navulnga vunoinge, iau nawotai naroro kounge ke natoke nanga avo me lekva songan avo.¹³Iau nasou ke nakeve navunga vunoinge luila ke Krai ie seie sevame ipavotvot iau.¹⁴Me, iami akeve popue ke apaulo au ke teinge akarkarnga.¹⁵Iami narumpua ke Pilipai awotai matanga ke naol popue, nasau iau nakoranga Mesedonia, narumpua tea ipaulo iau page nagol ke natengainga me natokonga tiavo, iami volem taiola sevame akeve.¹⁶Me pau nasau iau nagingin elo Tesolonaika, iami sevaio apaulo au panga navulnga sokngare iau nakimre toitoi.

¹⁷Eniko iwai so iau napainake naroro ke natokore navaiau sogan avo, Tiavo. Me iau nakim so naleie navunga soknge Natavolo isou so ikeve pagami page nasau iami akep vileko.¹⁸Iau natokore navulnga ta neigur ainge me sogan ngata pau. Iau natokore navulnga iami akevire timai kiau ke Epaproditus soge kiau. Navulnga eriko tipot kunre popue me tiwai natengainga popuare Natavolo ikimre me tinia igelgel panga.¹⁹Natavolo kiau pa itengai iami navungata neigur ainge iami akimre, itolaknge navulnga popuare kie, luila ke napasis ainge ke Krai Jisas.

²⁰Me ailiakoko ie ta tamara, ie pa itoke napasis ainge nae vuno vuno. Onauna.²¹Iau nakeve nangonga ke natini gelgelnga pagire natamtamaol neiwol ainge naoguaingare luila ke Krai Jisas. Ire waek natamtame ire seime tigingin kiau ire tikeve nangonga ke natini gelgelnga iwot kiami pau.²²Natamtamaol naoguaingare neiwol ainge siko tikeve nangonga ke natini gelgelnga iwot kiami. me ire narumpua seime tigingin ke nania ke Sisa tikeve nangonga ke natini gelgelnga iwot kiami.²³Nakewainga ke Ainge Jisas Krai pa isio igingin ke iami anunimi.

2 Thessalonians

Chapter 1

¹Paul, Sailas me Timoti ire tigeigeike nalaualau eneko ila ke narumpua kire ire Tasolonaika luila ke napasis ke Natavolo, Ie tamara me Einge Jisas Krai.²Eta nakewainga me natetawainga imai ke tamara Natavolo kita me Einge Jisas Krai isoupa igingin kiami.³Iem sevaio emvul savurim toitoi page Natavolo, page waiem me iami. Enilo popue ngata, pa eisae me naoguainga kiami pa ipot votvotia ngata me nagol kiami ke nakimnga me atengai mule atemi page tea me seime pau, eio ipon-ngata.⁴Eta iem tiniem igelgel ngata iwai ta iem empavulre ire natamtamaol seime tigingin kngare narumpua ke Natavolo kngare napano mania tengere, page enilo iwai iami lemigol. Iem tako empavulvulre page nagol kiami ke tinre mumun, menaremo votvotia kiami page nasau ire natamtamaol seime tipasilangami. Me pau page nakarkarnga iami atoke.⁵Eniko pa iwai nounaknga ke nalongonananga nalnge ke Natavolo. Navunga nasae pa ipot, eta silo, iami isou pa ala alu luila ke Kingdom ke Natavolo, pa eisae me iami aige neivo patange me iami remomi votvotia.⁶Natavolo pa ikeve nagol nalnge kie, iwai ie ikeve naivo patange me nakarkarnga page ire seime tikeve neivo patange me nakarkarnga pagami, ⁷me ipakaurange neivo me nakarkarnga kire natamtamaol seime tige nakarkarnga itolakngaem pa ikevire navunga eriko ke nasau, einge Jisas Krai tirenge ire Ensel timai luila ke namir kie. ⁸Itolaknge naringa navinge vavange, epa iparon mule nagol

siange,me ikeve nakolnga siange,pagire natamtamaol seime tinal page Natavolo avo me ire seime tilongopue nangonga avo ke naol nalnge ke einge Jisas me tiwataie.⁹Ire pa tigingin alowai ngata ke namuli einge igingin knge ke namir me napasis einge kie,me ire pa titoke nakarkarnga ambeinge me siange pa igingin volem.¹⁰Ie pa ikevire navunga erilo tipot ke naetne enilo,nasau ie imai me pa ire natamtamaol kie tikeve napasis einge ngata ke ie, me ire seime tiwoguai pa kurire lua panga navunga erilo.Pa eisae,nounaknga kiem ke namamatanga kiem me nangonga iem emliwole pagami eio iami awoguaie.¹¹Page pua elo,iem tako mataem nanakami page napakilalanga iem empakilala vileko,Natavolo kita epa ileiknge me kuria itokore nagol popopue luila kiami me nakavanga kie pagami.Iem empakilala pau vileko,ie isou pa itolaknge nateviranga kire pa vileko,nagol popopue pa itolaknge nourata popuare ngata iami akeve ke nawoguanga kiami itolaknge namir kie.¹²Iem empakilala pa navunga erilo pa vileko,page iami volem napasis Einge Jisas itoke page ie epasis.Iem empakilala vileko,ie taua pa ikeve napasis Einge me naleiknganga pagami page nakewainga ke Natavolo me Einge Jisas Krais.

Chapter 2

¹Eliakoko namulenge enilolo ke einge Jisas Krai kita, me ita pa talup me tingingin volem kie, iem emvetami waim me. ²So vilelo eta akilale karnege avo, nate senga me namotounga page nanun, me nagonga tia avo ke nalaulau tia iemi relmomi so emkeve imai kiami, iwai nounaknga page naetne elo ke Einge so ipot o. ³Sevio natamtamaol tea ipagurou ami avo, pavileko naetne eio pa eimul ke nasau ire natamtamaol pa tilonge langonga avo, me tivul siange pa Natavolo, me natamtamaol ke nalongoilnga pa ipot mange, eio natamtamaol ke isolia me itoke siange. ⁴Eio natamtamaol seie sevame isalvetvet me ivira mule page ie ivul siange pae Natavolo me ivul ipot ke awaiange vileko ie volem ie Natavolo. ⁵Kurim itoke pau, ke nasau taio iau nagingin kiami, iau navul liami pagire navunga erilo. ⁶Eliakoko, iami awotai so nasae iwai naialanga page, me ke nasau kie ngata ipot malamalange. ⁷Pa eisaie nagol kounge ke nalongoilnga page nagonga ipot o, o, ila isou ire tiwuta mulei la. ⁸Emul natamtamaol ke ilongoil page nangonga pa ipot mange, ie seie einge Jisas Krai pa ipamatenge page momotia ke ie awa. Me einge pa igulo tilnganga page ke ie lamulenga. ⁹Nasau ke natamtamaol ilongoil page nangonga imai, ie pa itoke napaulonga ke satan me namirmir, erio nounaknga me napokakanga. ¹⁰Me page napokakanga erilo kngare nagol popopuare avo ngata. Navunga erilo epa tipot ke ire seime pa tisolia page eisae, ire tiwatae nakimnga ke nangonga onaunange ke titoke namamatanga. ¹¹Page pua enilo Natavolo pa igulore page nourata tea siange, me ire pa tioguai page napokakanga. ¹²Me nagol pua enilo eio vileko, neiwol einge pa tipot ke kot. Eio ire seime sovame tiwogaie nangonga onaunange avo io, me page ire, tinre igelgel ngata ke ikeve nagol popuare avo. ¹³Nae vuno, iem sevaio emkeve savurim ila ke Natavolo page iami, waekme, seime einge ikim iami. Pa vileko, Natavolo mate tou ami muga o ke natoko mulenga, me apot nalngami luila ke spirit me naoguainga ke nangonga onaunange. ¹⁴Natavolo ie ikavami, pa vileko, naroro ke naol popue page iami, eta iami isou ke atoke Glori ke Jisas Kraist ie einge. ¹⁵So vileko, waek me, amarinal me akis votvot kire nagol iem empautaiami panga engonga avo ke nalaulau kiami. ¹⁶Eliakoko Einge kita Jisas Kraist ie taua, me Tamara Natavolo ie seie ikimta me ikeve namamatanga pagita ingingin volem. Me navunga popue ita pa tatoke eimul luila ke nakewainga. ¹⁷Gingin pua me kain gole relmom luila ke nagol neingur popopue ke nangonga ke Nàtòvolò.

Chapter 3

¹Eliakoko waekme, apakilala me apauloem, paso nagonga ke Aravaige ila peilei me pau esenainga ivira eilut iwai ta naevunovuno igingin kiami io.²Apakilala so iem isou pa emai empot ke mugula kire ire natamtamaol siagare, me ire natamtamaol tikeveve nagol siange. Pa eisae me ire neiwol reva nagol ke naoguainga avo.³Me arapuainge sevaio igingin towoi kiami paso ipavotvot iami me ileilei iami pagire ire natamtamaol siagare.⁴Iem atiem rung pagami luila ke Arapuainge isou pae iami akevire nagol tarengako me pau isou pae awatae ila volem nagol tarengako iem emvul votvot kami panga ko.⁵Paso Arapuainge isou ke ipauloami ke aleiknge nakimnga ke Natavolo me pae Kraist ige patange kita.⁶Eliakoko iem emvul votvot pagami, waem natamta, pae napasis ke Arapuainge Jesus Kraist ke iami sevaio apul rimemi pagre waimi seime reurata avo me tinre so tiwatare nagol sokngare atokokes kiem io avo.⁷Iami pau anal panga iem lemgol popuare isou page iami awatagolre. Iem emgingin knge mugulangami iwai ire natamta me neiware taio tiroun mule page nakimnga kire ke tinre io avo.⁸Iem emtoki sape nanga kire terenge so emkolre avota io tiavo,pa, iem ulaem me votvotiem nourata ekepnga vong me nae,pa iem tiniem so emkeve karnge pagami tia avo.⁹Iem emkeve nagol eko iwai so iem sapaapa me emkeve. Avo iem emkimso emkeve vileko ke iwai nounaknga ke iami so aleie me awatagol iem.¹⁰Lawe eio iem tareng tagingin, iem emngongo ulaem pagami vileko, sogi navolatia tinia so ikepuare avo, sevaio ikan kute.¹¹Iem emlongo vileko so terenge mugula kiami io eio tikevep urata me pau iami terenge pau eio sevaio apasiangange waimi revulnga.¹²Eliakoko iem emvul votvot me emkeve narelmonga luila ke Arapuainge Jesus Kraist, sogi ire natamtamaol eriko sevaio atere tiwai me titoko ereanga page ire eremonounonga.¹³Pa waek iami natamta emai sevaio atola ke akeve nagol nalnge kute.¹⁴Sogi navolatia tinia so iwatae lemngonga luila knge nalaulau eko avo io eio sevaio aleiknge me areng alup me akep urata avo paso ie mamae.¹⁵Iami sevaio aleie so namili kute, me avul ulami page so iami waimi.¹⁶Arapuainge io natetawainga tame me isou pa ikeve natetawainga pagami ta nae vunovuno ko me panga nourata gegigia iami akevire. Eiota Arapuainge pa tareng tigingin volem.¹⁷Iau Pol me eniko iau lekwa naleiknganga nalaulau iwot kiami. Page iau vagek ngata,iu navore nalaulau eko. Eniko naroro iau navorevove pae.¹⁸Pae nakewainga kie Arapuainge Jesus Kraist eio pa igingin kiami neiwol.

1 Timothy

Chapter 1

¹Iau Pol apostel tea ke Krai Jisas page lo ke Natavolo ie seie natamtamaol ke itokomulei ita me Krai Jisas sei ie natamtamaol i keve naterunganga,²Me page iom Timoti, namelamela ngata kiau luila ke naoguainga, naremosianganga, nakewainga me natetawainga ke tamara Natavolo me Krai Jisas Ainge kita.³Iau nakime iom so kukeve nourata eko lawe iau nala Masedonia, iom sevaio kuggingin Efesas pa aisae iom pa kungongo votvot pagire natamtamaol tiatia seime tikepso tipautaire ire natamtamaol page naremonga ke napavulnga roluwe.⁴Me pau ire sevaio titol talgare page napu kire tivureme avo. Pa enio isoupa ikeve naosinga me isoupa i paule nourata ke Natavolo avo, page nagol ke naoguainga.⁵Ailiakoko naremonga pua ke nangonga eniko eio vileko nagol ke nakimnga sevaio ipot ke nate popue me namata nalnganga me naoguainga onaunange.⁶Natamtamaol tengere tila vurusikire nagol nalnge o me tiwatare nangonga garagarange.⁷Ire tikim so tipot wai napautagare ke lo, me ire matare inal pua ngata page navunga sokgare ire tingongo pagire avo me navunga sokgare ire tikime iom so kutokore.⁸Me ita tawotai vileko lo eio popue so natamtamaol tia iwatapue.⁹Ita tawotai pa vileko, lo eio kire natamtamaol nalngare avo,me eio kire natamtamaol seime tinre page lo avo me tiwatapue avo ire natamtamaol nagol nalnge ilulu kire avo me ire natamtamaol regel ke Natavolo avo. Lo eio kire natamtamaol seime tipamate mate gare tamareme me tnareme o nagol ke tipamate mate ngare natamtamaol tegere pau.¹⁰Me pau ie kire natamtamaol seime sevame tikeveve nagol neigau, me natamta seime tiwola mulemulere natamta, ire natamtamaol seime tikop kire nourata tamareme kire waere,me ire natamtamaol tipokakaka me tingongo napokakanga pagire waere tengere me tinre avo page napautaina ke nangonga onau nange.¹¹Nangonga popue eko kie Natavolo Ainge ie remua isou kngawau me ikeve nourata eko pagau so nakeve.¹²Iau navul savurim page Krai Jisas ie Ainge kita pa aisae ie ipa votvot iau me mate touwau vileko iau isou pa nakeve ie lawa nourata.¹³Munga iau natamtamaol tea nakeveve nangonga siange siange page Ainge Natavolo, iau sevaio nakep siange pagire natamtamaol me napamunga munga napalpunga. Me ailiakoko iau natoke naremo sianganga ke Natavolo pa aisae iau nakime nagol ke naoguainga.¹⁴Me naremo sianganga ke Ainge kita iwaipon iau me ilupe nagol ke naoguainga me nagol ke nakimnga igingin luila ke Krai Jisas.¹⁵Me nangonga eniko ie nangonga popue tea mepa

ipaule seie itoke wai Jisas imai siko tatano me imate so itokomulere natamtamaol ke nasagula. Iau natamtamaol tea nasagulae napairilekire neiwol nasagulare.¹⁶ Me page pua eko iau natoke nakewainga, eta iau natamtamaol namunganga Krai Jisas ie iunake nagol ke nate tawainga. Krai Jisas ie ikeve eko wai nounaknga so ipaunakire natamtamaol songe tioguai ie so titoke namamatanga popue igingin nae vuno vuno.¹⁷ Ailiakoko page iom king ke nae vuno vuno amkauranga avo, natamtamaol tileilei iom avo me iom toum volem Natavolo Aingam, napasis ainge me namir eio kiom ailiakoko me aimulmul. Onauna.¹⁸ Iau natole nangonga eniko kiom, Timoti namelamela kiau pa aisae nangonga igingin munga kiom o me iom pa kupalpune napalpunga popue tea.¹⁹ Kisike nagol ke naoguainga me naremo nalnganga. Page naetne iami apulrimime pagire, naoguainga kiami pa siange.²⁰ Waita Himenius me Aleksenra seime ire iau natolre ke satan so titoke napautainga eta tingongo geigei avo.

Chapter 2

¹Eta so navunga matanga, iau nakime iom so kukevire navetanga regol vileko, napavulnga, iom kutokore awainge mulre me kupavul me kukeve reva savurim ila ke Natavolo.²Napavulnga pagire Nasarara me ire gapman, eta ita atera itawai me tagingin pua, luila kngare nagol popuare me nalngare Natavolo ikimre.³Nagol enio popue la nalnge ngata ke Natavolo mate, se ie aratokomulenga tame.⁴Ie remua naveinge ngata ikim so neiwoleinge sevaio timule timai kie me tiwotae nangonga onaunange.⁵Pa aisae me Natavolo tiavolemnga me pau navola tiavolemnga isio mugula ke Natavolo me ita natamtamaol me navola eniko eio Krai Jisas.⁶Ie ikep mule wai nakolmulenga tame kire neiwol ainge, me iwai nounaknga ke ie laetne Natavolo mate touwe.⁷Page pua eniko, Natavolo mate tou wau so napot natamtamaol ke naliwole naol nalnge nawai apostel. Iau navul onauna. Iau napokaka tiavo. Iau napautaininga tame kire seime ire Juda avo page nagol ke naoguainga me nangonga onaunange.⁸Eta iau nakim so neiwol ainge ke nania mate mate ko so tivira pagire vagere nalngare me tipavul, me atere ipapak me osire avo.⁹Me page naremonga tingtia, iau nakim so ire neiware sevaio titolre erevulnga popuare eta iruk alapuare tinre me matare ikono mule pua pagire. Ire sevaio tipavore tangtangke kurire lawa avo, avome titol goul, avome nagemgem me navunga popuare ngata.¹⁰Eta iau nakimre neiware sogge tivore pua panga erevunga popuare sokgare isoupa iruk ala puare tinre me eniko pa ipotnae nagol Natavolo ikime me pau ipaunak pue nagol nalnge kire.¹¹Neiware sevaio iwotai ke igingin pua me itol mule ronsio ke nae vuno vuno.¹²Me iau navul pua page neiware so ipautaire waia tengere pau avo, avo me ailut page natamta, me ie sevaio igingin mumun ngata.¹³Pa aisae me Natavolo ikaine Adam munga lapuata Iv.¹⁴Satan ipokakae Adam tiavo, me ie ipokakae Iv la ie ipot neiwe tea nasangulae.¹⁵Eta Natavolo pa itoko mulere neiware page nourata ire tikeve page nasik mela melanga me so ire votvotire ke tikisike nagol ke naoguainga me nagol ke nakimnga me tigingin pua ke naremonga popue.

Chapter 3

¹Nangonga eniko onaunange ngata isou ke neiwol ainge tioguae. Meso natamtamaol tea ikim so ipot wai namunganga ke narumpua ke Natavolo, ie ikime nourata popue.²Eta namunganga ke narumpua (ke Natavolo) sevaio langol siange avo. Ie sevaio aiwe tiavolem. Natamtamaol eniko sevaio imari mugula me remua tiavolem, langol nalnge me ilei kngare neiwol ainge. Ie sevaio langol ke ipautaire neiwol ainge.³Ie sevaio langol ke neinga ke nako siange avo, me ipalpun peleilei avo, ie sevaio langol ke ikeve remua me ikimre neiwol ainge me sevaio ikim tangtangke mani avo.⁴Ie sevaio langol ke ileilei puare navunga ke lawa nania me ire lamelamela ire pau sevaio regol ke tilongo pue ie langonga me tiwatae ie.⁵Me so navola tea inal pua ke ileilei puare ie lavunga avo, aisae pa ie ileilei pue narumpua ke Natavolo?⁶Ie sevaio natamtamaol paua ipule remua avo pavileme ie ipon page nangol ke ivira mule mule page me imol ke nasangula wai satan.⁷Ie sevaio langol nalnge pagire natamtamaol mange are, eta ie isou so imol page nangol siange avo me napitpit ke satan.⁸Ire namunganga, ke narumpua(ke Natavolo) ire pau sevaio tikeve regol tingtia, tilala nal me tingongo lualua avo.Ire sevaio ti in tangtang wain avo o regol ke tikim tangtang ke.⁹Ire sevaio tioguae nangonga onaunange me tinal page navunga soknge eio onaunange knge namata nalnga.¹⁰Ire pau sevaio titoke nangonga puanganga muga lapuata ire tikep nourata pa aisae ire regol tia siange avo.¹¹Ire reiiware pau sevaio regol ke tilala nal me ire pau sevaio regol ke naogalnga avo.Ire sevaio timari mugula me timari pua panga navunga sokngare ire tikevire.¹²Ire namuganga ke narumpua ke Natavolo sevaio aiworeme tiavolem. Ire sevaio tileilei puare remelamela ngata me revulnga neigur ainge ke rewa nania.¹³Ire seime tikep pua mule pagire, ire timari rung me reoguainga votvotia ke tigingin pua me tiwatae Jisas.¹⁴Iau navore navunga eriko tiwot kiom, me iau nawotai so namai kiom eio towoi o.¹⁵Mesonge iau namai peilei avo, iau navore eta iami pa awotai me agingin luila ke nania ke Natavolo, eio narumpua ke Natavolo mamatange nae vuno vuno me eio ire natamtamaol seime reoguainga votvotia page nangonga onaunange.¹⁶Ita isou so tatol toganke nangonga onau nange me nagol ke Natavolo eio ailut ngata tiavo. Ie imai ipot natamtamaol, Anunia nalnge igongo ipot mange pae, ire ensel tilei ie, tiliwol le ipot ke napano vunoinge ke natatano me napano vunoinge ke natatano tioguaie me ie ivira ila heven ailut ke lagiro me lamer.

Chapter 4

¹Me Anunia Nalnge igongo ipot mange vileko, naetne tengere aimul pa natamtamaol regol ke naoguainga pa ikaura me tilongore nangongonga kire nanun ke napokakanga me pau tilongore napautailinga kire nanun siangare.²Luila kngare nangonga napokakanga eriko, naremonga kire pa ivovo alelenga.³Ire pa tigongo ulare pagire natamtamaol songe tiwola avo me titokore nanga sokgare Natavolo ipapotire songe tiwolailaire mugula pagire natamtamaol naoguaingare me seime tinal page nangonga onaunange.⁴Pa navunga ta neigur Natavolo itolre or ikainre io popuare volem. Ita sevaio taleire wai navunga siangare avo, me ita sevaio tavul savurim page Natavolo me tatoke.⁵Pa aisaie, ie ipenpenre me ikainre tipot popuare page nangonga ke Natavolo me nagol ke napavulnga.⁶Me songe iom kuliwolre navunga eriko pagire iom waem, iom pa kupot wai nourata tame popue tea ke Jisas Krai. Waita iom kupot votvotim ke naoguainga page naetne iom kutoke napautailinga popue ke nangonga me kuwatae.⁷Eta sevaio kulongore napu siangare ke natatano eko avo. Me iom sevaio kupau tai mule iom page nagol nalgare ke Natavolo.⁸Ita sevaio rawa naetne morua ke tapautaitaie anora ke tapaule, me tagingin luila ke nagol nalnge ke Natavolo pa ie isou pa ipaulo page navunga ta neigur ainge. Pa ie ikisike nangonga onaunange ke namamatanga ke ailiakoko me namamatanga ke aimul pau.⁹Nangonga eniko ie votvotia me onaunange ngata eta natamtamaol neiwol ainge sevaio tilonge me tioguaie. Page ¹⁰pua eniko ita sevaio tavoko ulara pa aisaie ita raoguainga votvotia page Natavolo onaunange, sei ie natamtamaol ke itoko mule re natamtamaol, ire seime tioguai ie.¹¹Iom sevaio kupavul puare natamtamaol me kupautaire panga navunga eriko.¹²Me sevaio natamtamaol tilei roun iom pa iom onaunangam avo, me kusio wai nounaknga pagire natamtamaol naoguaingare, page iom lemgongonga, iom lemourata, nagol ke nakimnga, me kumari rung page naoguainga me lemginginga sevaio nalnge.¹³Iom sevaio kuliwole nangonga me kupautai puare natamtamaol ke ipaulore isou pa iau namule namai.¹⁴Iom sevaio kuguloman page nategainga ke nourata ekepnga luila kiom io avo, eniko ie itengae pagom, wai nangonga propet iliwole me ire namuganga ke narumpua titol vagere ailut pagom.¹⁵Kuleilei puare navunga eriko. Kuggingin luila kngare, eta ire natamtamaol pa tilei ie lemourata ipot popue.¹⁶Iom sevaio matam ikono mule pua pagom me kutoko puare napautailinga. Me iom sevaio kukevire naeta vunoinge io, pa aisaie eniko pa itokomule iom me ire natamtamaol tilonge longe lemgonga.

Chapter 5

¹Iom sevaio kungongo ulam pagire navolaigare avo, me kutokore tiwot wai iom tamame me kukeve nagol nalnge ke i paulore. Me pagire natamta onaunange, iom sevaio kutokore wai iom waem natamta me kukeve nagol nalnge ke ipaulore.² Me kukeve nagol nalnge pagire neiware aingare me kutokore tiwai iom tname me pagire neiware onaunange iom sevaio kutokore tiwai iom waem luila knge nagol nalnge me naremonga popue.³ Me kukep puare neiware, aiworeme timate ilao, neiware waere tengere ke tipaulore avo.⁴ Me songe neiware tea ewatamta imate ilao ie lamelamela me tivuakire, ire sevaio titoke napautainga ke nagol nalnge ke nania kire munga ke tirone navulnga popuare tamareme me tnareme tikeve pagire. Pa aisae nagol eniko, Natavolo pa tinia igelgel me remua popue pagire.⁵ Me neiwe, ie ewatamta imate ilao me ie lamelamela tiavo la waia natamta me neiware tea ke ipaule avo. Ie sevaio itolre ekarkarnga tila ke Natavolo me ipavul ilala ke Natavolo nae me vong ke Natavolo ipaule.⁶ Eta neiwe tea, ewatamta imate ilao iwatae nakimnga ke tinia, neiwe eniko ie imateo, ie waita imamata ke tinia volem me ie anunia imate o.⁷ Iom sevaio kuliwole nangonga eniko pagire neiware seime, aiworeme timate ilao ire me remela mela sevaio tikorange nagol eniko avo.⁸ Me sogge natamtamaol tea isou so ikeve nagol nalnge pagire ie arigia avo, me ie waia ngata, eio iwaita ie iwatae nangonga onaunange tiavo me ie laoguainga imate o.⁹ Luila ke narumpua ke Natavolo kutoke napasis ke neiwe, ewatamta imate ila o me ie ipavurusuke nalai tamta tol. Pa neiwe eniko ie neiwe tea iwole natamta tiawolem me ie igingin pua ke ie ewatamta.¹⁰ Me ie sevaio neiwe tea lagol nalnge ngata ke ileilei puare ie lamelamela, me ikep puare natamtamaol seime ie inal pagire avo, me ipaulore natamtamaol naoguaingare, me ipaulore natamtamaol seime tilulu knge nakarkarnga, me ie imari votvot ke ikevire nagol nalngare.¹¹ Me iami narumpua sevaio atokore napasis kire neiware onaunange avo, aiworeme timate ilao. Pavileme aimul pau me ire tikim so tiwatae nakimnga ke tinre me tiwola pau me tipul rimere page Natavolo.¹² Page nagol eniko ire tikeve, ire tikeve namamanga mule pagire, pa aisae, ire tivul avo page nangonga soknge ire aore itole munga ke narumpua so tingingin sapa me tikeve nourata ke Natavolo.¹³ Me ire tikeve nagol ke nakeptolanga me namate sapanga ipot, me ire tila tivaliuliu sapa kngare nania kire natamtamaol rolware. Me aore galgal me tikeve naosinga ipot mungula kire waere, me nangonga ire tikevire eio popuare tiavo.¹⁴ Eta iau nakim so ire neiware onaunange, aiworeme timate ilao, ire sevaio tiwola pau me tisik melamela eta ire erimili, satan isou pa ipamolre avo.¹⁵ Iau navorere nangonga eriko pa vileko, ire neiware onaunangare, aiworeme timate ilao, ire tipul rimere page Natavolo o me tila tiwatare naroro ke satan.¹⁶ Me songe neiwe tea mungula ke iom waem, ewatamta imate ilao, iom sevaio kukeve nagol nalnge page. Me so iom kukep vileko iom isou so kutole nakarkarnga sogan ailut ke narumpua avo, eta narumpua isou pa ipaulore neiware namormor tegere pau.¹⁷ Ire natamtamaol naoguaingare sevaio tikeve napasis ainge ngata pagire namunganga kire seime ire tileilei puare, me ailut page, ire sevaio tikeve napasis ainge pagire natamtamaol seime ire tililiwole nangonga me tipautaire natamtamaol page nangonga ke Natavolo.¹⁸ Pa aisae, nangonga ke Natavolo ivul, iom sevaio kuiale bulmakau aua avo so ie iruatatare wit, "me nourata tame" sevaio itoke nakolnga page nourata ie ikeve.¹⁹ Iom sevaio kulonge nangonga avo songe natamtamaol tiavolemnga volem ikeve nangonga ailut page namuganga tea ke narumpua, sevaio natamtamaol lua avo me tol tiunak ipot songe tingongo ailut page namuganga eniko.²⁰ Songe tea igon mate ke ikeve nasangula, sevaio apanale natamtamaol eniko kire neiwol matare eta ire pau pa timotou ke tikep nasangula.²¹ Ke Natavolo mate me Jisas Krai me ire ensel nalgare, iau nangongo ulak pagami vileko sevaio akinpiliae natamtamaol rolwe lagol avo me sevaio akep popue page natamtamaol tiavolemnga volem avo.²² Iom sevaio kutol vagem ailut ke natamtamaol kurire me kupakilala peilei pagire avo. Me sevaio kuwatare natamtamaol tegere page naroro ke nasagula ekepnga avo. Iom sevaio kusio popuam me nalngam ke Natavolo mate.²³ Iom sevaio kuin nako volem avo, iom sevaio kuine waen polia pau isou pa ipaulore narivalnga sokgare sevame tingingin luila ke iom remon.²⁴ Nasagula kire tengere tikono mange me pa timunga pagire tila ket tikotimre. Me nasagula tengere tikou me pa tipot mange aimul.²⁵ Page nagol tingtia volem, nagol nalgare tegere tipot mange, eta nagol nalngare pau iom kukevire tikou epa tipot mange aimul pau.

Chapter 6

¹Seime ire tipot wai nourata tamareme sapa, eio sevaio tivoko pua me tingongo pua pagire eremariringa. Ire sevaio tikep vileko eta nagol me napasis ke Natavolo, me napautaina ke nangonga ke Natavolo sevaio siange avo. ²Me songe ire nourata tamareme sapa eremariringa tiwoguae Ainge, eio ire sevaio tilongoilil pagire avo, pa aisae ire eio waere natamta volem. Ire sevaio tikeve nourata ainge ngata pagire, pa aisae me eremariringa, ire sevaio tivoko ulare so tipaulore wai ire naoguaingare me tikimre ngata. Pa ire tipautaire me tivul ipot panga navulnga sogan nalgare. ³Me songe natamta avome neiware tea ipautaire natamtamaol page nangonga rolwe tea me tinia so iwatare nangonga ke Ainge kita Jisas Krai avo. Me songe ire tinre avo so tiwatare nangonga nalngare ipaunake naroro nalnge page nagol nalnge ke Natavolo, ⁴natamtamaol eniko remua songe ie ila ngata, me tiavo. Ie ipon panga nangonga siangare. Nangonga ta neigur ainge eriko isou ke ipapote nagol ke nate o nakimnga siange, nagol ke namili me nagol ke tigel waere tengere pau remore me remore so waere tengere pau ire remore siange pagire. ⁵Me nagol ke namili nae siposipo mungula kire me naremonga sokngare sevame popuare avo. Ire sevaio tiko page nangonga onaunange. Me ire sevaio remore songe nagol ke (lotu) napavulnga eio pa ipaulore songe titoko revulnga (kago) me navulnga songan ke natatano eniko. ⁶Eniko popue ngata, songe ita tawatae Natavolo remua me tapainake natini gelgelnga luila ke nagol ke Natavolo. ⁷Page naetne ita tapot ke natatano eniko, ita teinge navunga tea imai avo. Me pau naetne soknge ita tamate, ita pa teinge navunga tea pau tiavo. ⁸Eta ita sevaio tinra igelgel ngata panga nanga me navulnga sokngare ita rava (klos). ⁹Me pange natamtamaol seime tikim tangtangke napot (mani) songan me navunga songan ke natatano eniko, ire pa timol panga nakarkarnga me natovanga songan. Ire pa timol luila ke nagol siangare songan me ire pa tiwolekire natamtamaol tila tiluke siange ainge songan. ¹⁰Nagol ke napot (mani) ekim tangtanga eio nagol siasiangare ke natatano pua. Natamtamaol seime sevame remore me kurire page napot (mani) me navunga (kago), ire pa tipasilange naremonga popuare kire me titoke nakarkarnga me naremo sianganga ainge ngata. ¹¹Me iom, natamtamaol ke Natavolo iom sevaio kukororange nagol (regol vileko) me kutokore nagol nalngare imai ke nanun ke Natavolo me nagol ke kis rungke naoguainga page naetne tiatia, nagol ke nakimnga, nagol ke naremo votvotnga me namari runganga me nagol ke nate tawainga. ¹²Iom sevaio kupalpun ulam page napalpunga nalnge ke naoguainga. Kis rungke nakavanga soknge Natavolo matetou iom ke lemmatanga me ikeve namamatanga ke nae vuno vuno. Page nagol eriko volem iom kuvul ipot page naoguainga kiom ke natamtamaol neiwol ainge matare. ¹³Iau nakeve nangonga votvotia iwot kiom ke Natavolo mate, seie ivulme navulnga neigur ainge titoke namamatanga, me page Krai Jisas, seie igongo onauna ke Pontius Paillet. ¹⁴Awatapuare lo (nagavitnga) ke Natavolo pua ngata me sevaio alongoilil page lo (nagavitnga) eniko avo isou page naetne Ainge kita, Jisas Krai imule imai. ¹⁵Ke naetne kie ngata, Natavolo pa ikeve namulenga ke Krai pa ipot malamalanga, Natavolo pa ikep pue Ainge kita seie (king) nasarara me ie tawa isio ailut kita me ie Ainge me ie volem pa ipot wai ita aramariringa. ¹⁶Natavolo volem ie sevaio imate mate tiavo, me ie igingin nae vuno vuno ke navavanga naveinge. Me natamtamaol tea isou so ilei ie tiavo. Napasis ainge me naselnga eio kie volem, ke ailiakoko me nae vuno vuno. Onauna. ¹⁷Kuvulre ntamtamaol napotare (mani man) ke natatano vileko, sevaio remore songe ire ngata me titol remore panga navunga kire sokngare pa tikaura avo. Ire sevaio titole remore page Natavolo. Ie volem takola sevame ikevire navunga sogan ainge popopuare isou so ita tinra igelgel. ¹⁸Kuvulre so tikepuare waere tengere pau pa songe tigingin pua, me tikevire revulnga pagire waere tengere me tinre igelgel so titengaire waere seime reva avo io. ¹⁹Page nagol eniko volem, ire pa tiparpon mulere page naremon nalnganga page navulnga pa tipot aimul eta ire pa tikis rungke namamatanga onau nange. ²⁰Timoti, iom sevio kuleilei puare navunga sokngare popuare iom kutokore io. Me sevaio kulongore nangonga sokngare kire natamtamaol isou so ipaule iom lem wogainga avo io. Nangonga geggia kire natamtamaol remore so ire kurire nalnge ngata me tiavo ire tipokaka volem. ²¹Natamtamaol tengere tipotnai sapare navunga airiko eta ire tipavurusuke nagol ke naoguainga kire.

Titus

Chapter 11 Pol, naurata tame ke Natavolo me aposel ke Jisas Krai page naogainga kire Natavolo latamtamaol ie matetoure so ikeve nanalnga page nangonga unaunange tingtia page Natavolo lagol, 2 Page namata kononga me namamatanga igingin ke Natavolo, seie ipokakaka avo, pa navitnga kie igingin muga lo me imai ke nasau eko. 3 Knge nasau ie mate toue ie ipapote langonga page nagol ke naliwolnga naol kire seime ie iogaire page naiialanga ke Natavolo arawarmulenga tame. 4 Iot Kiom Titus, namelamela onaunange luila ke ita raogainga tiavolem. Nakewainga me natetawainga ke tamara Natavolo me tuwalia Jisas Krai arawarmulenga tame. 5 Page pua eko Iau nakorangaom kusio Crete, meta iom kutolpuare navulnga ke rekononga taio pakaurare avo io me

sovaio tiririalnga me tilongoilil avo.7 Popuengata so namariringa ke lania remua muga lapuata isoupa imai ipot namariringa ke narumpua ke Natavolo,meta esagula avo.Ie sovaio awagalgal me tinia siangange avo,ikiskis atia me osia peleilei avo,iger page neinnga wine avo,mate anua me ilitaitai avo.8 Me ie sovaio ileileipulare waia me kepuare.Ie sovaio ikilala pua,lagol nalnge,tinia krik,me igavitvit.9 Ie sovaio ikis rungke naol onaunange me patange tako tipautai page ko,meta ie isou pa ipalvivire tengere pau kupakurire namariringa ke city ta neingur ko iwai eko nounakom ko.6 Namariringa sovaio tinia krik me esagula avo,ewanewe tiavolem,me lamelamela nawamongangare me sovaio tiririalnga me tilongoilil avo.7 Popuengata so namariring sovaio ipot namariringa ke lania remua muga lapuata isoupa imai ipot namariringa ke narumpua ke Natavolo,meta esagula avo.Ie sovaio awagalgal me tinia siangange avo,ikiskis atia me osia peleilei avo,iger page neinnga wine avo,mate anua me ilitaitai avo.8 Me ie sovaio ileileipulare waia me kepuare.Ie sovaio ikilala pua,lagol nalnge,tinia krik,me igavitvit.9 Ie sovaio ikis rungke naol onaunange me patange tako tipautai page ko,meta ie isou pa ipalvivire tengere pau page napaulainga nalnge me iselelere seime tisapore.10 Pa navako naririalngare eimgur ngata,navulsapangare me napokakangare,tavul page ire tako tipalare ko.11 Eko popue ngata so tipapalare pako tipamamae narumpua panga napaulainga eriko eriutaknga avo ko so tipautai panga avo.12 Naru tame tia ivul,Cretans repokakanga siange matare evolouta,viesngare me rekantangtangare siange.13 Nangonga ko onauna ngata.Eta,kuselelere tiatia,meta ire isou pa titang nal luila ke reogainga,14 sovaio kutol talngam panga Najew repu napokakanga kute me pau sovaio kuwatare nangonga naialanga kire seime tipul rimere page nangonga anaunange avo.15Ila kire seime tinre krik,regol ta vunoinge ko krik.Me ilakire seime rilmongare me tiogai avo,eio regol tia krik avo,pa utore me relmore rilmongare.16 Ire tisavaire so tiwotaie Natavolo,me regol itoltoie.Naririalngare me nalongoililngare eta isou pa tikeve naourata tia nalnge avo.

Chapter 2

¹Iom Taitus, me iom sevaio kevere navunga iwatae nangonga.²Pautaire aingare pa naol nalnge ke nagol nagingin puanganga,nasau vuno sevaio kuwatae naroro kire natamtamaol nagaragara avo. Kuvulre sevaio remore votvotia page Natavolo page nasau popue me nasau siange.³Tingtia volem kuvulre neiware aingare vileko iwai ire natamta, page nagol ke naginginga rounsio me aouragalre waira avo, paso vileko eiota pautaire waem pae nagol popue.⁴Page naroro eko, sevaio tipautaire neiware onaunange so tikimre erewatamta me remelamela.⁵Agingin pua, me aleileire waemi renia atoliami rounsio kire paso vilelo eta apalele Natavolo langonga avo.⁶Pa eio nagol nalnge volem popue ngata so avulre natata onaunange sevaio talalanal page nagol popue.⁷Navunga vunoinge me kukeve ta kunake nagol popue. So iom pautaire page nagol nalnge me narelmo nalnganga, ⁸Potnae naol nalnge eta neiwol einge tivul siange avo, eta seie isaporaom eio isoupa mamaie pa ire rengonga siange tea ke tivulta avo.⁹Pautaire napanonongare so tilongo pue eremariringa egol panga nourata ta neingurko,eta tipagelgelre me aorepol avo,¹⁰Sovaio tikop kire avo,me tiunake naogainga popue,eta panga naroro neingur isoupa tikeve napasis popue page napautaininga ke Natavolo sei arawarmulenga tame.¹¹Page nakewainga ke Natavolo ie ipotnai mule lawarmulenga pagire neiwolainge. ¹²Ie ipautaita so tinra siange panga Natavolo napokakanga me nagolsiangare ke natatano,me tagingine nagol ke nagavitnga,me nagol nalnge, me Natavolo lagol ke nasau eko,¹³Me ta matara ikono me tatol matara panga navulnga nalnalnge,ila isou pa Natavolo ainga ipotnaimule egiro page Krais Jisas seie arawarmulenga tame.¹⁴Jisas ikepmule pagita me itoko muleita panga nangoga naialanga siangesiange me ipenpenta tapot nalngara kie ngata seime meikira page nourata nalnalnge ekepnga.¹⁵Kungongo panga navulnga eriko,parenrenre neiwol sovaio tikevire, panal matare pa nakuranga taio kiyom.Sovaiyo navolatea ilei roun iom kute.

talongoilil.Tiolekita tala tapot page naroro nalnge me tipanono kita panga nakilalanga me nakavainga siangare. Ita talul ke nanuni siange me matara sonsonre waera rivunga.Taririalnga me tinrasiangange pagire waera ngata.4 Me so nakepunganga ke Natavolo arawar mulenga tame imai ipot mange pagita natamtamaol page lakimnga,5 eko page nourata nalange tia ita takeve avo,me page ie lakewainga volem ie itoko muleita,eko page nawaliunga me nasiknga pawa ke Anunia Nalnge,6 Seie Natavolo ipagolai tangtangke ailut kita page Jisas Krai aratokomulenga tame,7 eta ie ikapinta tapot nalngara page nakewainga kie,meta ita tasou so tapot natamtamaol ke toko kes navunga ke namata kononga ke namamatanga igingin.

⁸Nangonga ko onaunange ngata.Iau kim iom so kuparaparangare nagol eriko,me sovalo seime tiogaie Natavolo epa tigavitvit pua page Natavolo lourata ekepnga.Nagol eriko popuare ngata pagire neiwolainge.9 Sovaio koutuke natangkiknga me naopololnga me nasege eninnga naparparnga taio ipapote nakurlelnga page nangonga naialanga.Nagol eriko tipatuve nagol nalenge tiavo la patangare tiavo.10 Tinim siange page seie ipapotpote namanganga mugula kiami io,eimul page nangonga napapalanga patia avo me palua.11Kuwotai puangata so natamtamaol lagol vileo eio ipul rimia page naroro nalnge me ikeve nagol siange ta ipasianga mule ie.12 so I nagule Artemas avo Tychicus iwot kiom, sovaio munimsiu kumoi kepauwau eko Nicopolis ko,pa napano namulemule ta Iau pa namaia siko me narokrokio.13 kulau leleiom panga navunga songan ke isou pa tipaulom ke kugule Zenas nangonga naialanga tame me Apolos,meta isou pa timoro pae nagoltia avo.14 sovaio tapautaire rava ainger me namela me neiware ke tipot napanonongare ke nourata nalnge ta tawangakire seime rivunga avo io, eta revunga.15 Seime eko emrenge emgingin ko tivul utuwe avo lelei iwot kiami seime nakimnga ke naogainga ikono kiami io.Nakewainga ke aratavolo igingin kiami neiwol.

Philemon

Chapter 1

¹Iau Pol natamtamaol nakalabus page napasis ke Krai Jisas.Iau emilua waera Timoti emgingin me navore nalaualau eniko iwot kiom Pilimon, iom iem waem nalnge me ita rourata tingtia.²Iau navore nalaualau ila ke Apia pau, ie ita waera neiwe tia me page Akipus ie napalpunga tame tia kita page napalpunga ke Natavolo. Me iau navore pau pagire naogaingare ke narumpua soknge tiluplup ke nania kiom.³Nakewainga me nate tawainga ke Natavolo ita tamara me Ainge Jisas Krai isou pa arenge agingin.⁴Nae vunovuno iau navul savurim ilake Natavolo me napavulvule Natavolo pagami ke iau lekvetanga.⁵Iau nalongo vileko so iom kukim kimre natamtamaol ke Natavolo ngata me iom kuoguai ngata page Jisas ie Ainge.⁶Iau sevaio napavul vileko so nalupnga kiom me iem isoupa ikeve naogainga kita ke ipapote naremo nalnga kita me ita pa tanal pagire navunga nalgare sogan ita tatokore ke Krai.⁷Waek natamtam, iau tinik igelgel me atek i tawai ngata, page aisae,me iom kukim kimre ire natamtamaol neigur ainge ke Natavolo me page nangol eko iom kupavotvote ire relmore.⁸Eta, tagule iau votvotik ngata luila ke Krai ke nakeve nangonga pagom page nasae iom i soupa kukeve,⁹Me page nagol ke nakimnga page tia pau ikaukauke tamulua, eta iau nangongo moiau pagom. Iau Pol, iau akolman o,me ailiakoko iau nakarabus page nourata ke Krai Jisas.¹⁰Ailiakoko iau navetaom page iau lekmelamela Onesimus, iau napautae page nagol ke Krai ke nasau elo iau nagingin ke karabus.

¹²Ailiakoko iau nagulo mule iwot kiom me iau atek ikono kie.¹³Iau nakim so nalitae isio kiau so ikeve iom lemourata so ipauloau page nasau iau nagingin ke karabus page nourata ke naliwolnga nangonga ke Natavolo.

¹⁴Me iau tinik so nakep sape nagol tia me iom remom siange avo. Me iau nakime navunga popue iom kukeve pagau avo, popue ngata so iom kukeve page iom remon.¹⁵Paso page pua eniko Onesimas ikorarangaom nasau polia volem. Page navunga erio tipot eio iom pa kutoko mule iwot kiom ta amilua agingin nae vunovuno.¹⁷Eniko vileko meso iom, kutokoau nawai iom waem, popue so atoke ie pau iwai iami akeve pagau.¹⁸Me songe ie ikap siange pagom, avo me itoko navun kiom, popue ngata so kuliwol iau ta narone iom lemvulnga.¹⁹Iau Pol, iau navore nangonga eniko page iau vagek. Me iau pa nakole me narone navun kiom. Iau isoupa navuliom vileko, iom lembva navun kiau me eniko navun ke namamatanga kiom. Me iau tinik so navuliom vileko avo.²⁰Onauna ngata iau waek natamta, iom isoupa kukeve navunga tea pagau page Ainge epasis. Tamulua tagingin luila ke Krai me page nagol eko iom sevaio kukeve iau relmok popue.²¹Iau nawotai popue vileko so iom pa kuwatae nangonga eta iau navore nalaualau iwot kiom. Iau nanal vileko so iom pa kukeve navunga songan ngata tilangata

page navulnga iau navuliom so kukevire.²² Me nangonga tiapau so navule, iom sevaio kulaupotole iau mulik knge iom lemnia paso iau nakono knge. Iau naoguai so Natavolo pa ilonge iami limipavulnga me ie pa igulowau namule nami kiami.²³ Epapras, ie iau waek me ie pau isio wai kalabus etamtamaol ke Krai Jisas. Ie ivul aigule pagom.²⁴ Me page vileko Mak, Aritakus, Demas me Luk, eio emrengere lemaurata tiavolem, ire pau tivul aigule pangom.²⁵ Nakewainga ke Ainge Jisas Krai pa igingin ke iom anunim. Onauna.

Hebrews

Chapter 1

¹Mugangatalo Natavolo ingongo pagire rarasame ke ie larutamareme page nasau songan me naroro gegegia.² Me knge naetnareme erekauranga Ie ingongo pagita gonke Ie Tuangata aua, se ie matetoue so itokore lavungata vunoinge. Page ie volem, Natavolo ipapote nagolta vunoinge ke natatano eko. ³Ke ie Tua ipaunake navavanga einge ke Natavolo, pa ie tingtia iwai tamengata. Ie ikiskiskire navulnga vuno ke Ie langonga. Eimul page Ie ipakaure nagol ke nasagula, lapata iroun imateknge nasarara einge vagia otai.⁴ Ie epasis ipot einge me gegia pagire ensel. ⁵Page ensel seime Natavolo ivul, iom pa kupot kuwai namelamela me alavoko iau napot nauai tamam?⁶ Lapata eimul Natavolo ikeve namelamela lautave kie imai iroun knge natatano eko, me ivul, iami ensel ke Natavolo apakilala page ie taua.⁷ Ie i keve nagonga eko pagire ensel vileko, "ie taua ikevire ensel tipot nanuni me larutametame tiwai naringa vavage."⁸ Ie ivule Tua vileko, "Nasarara Larenren eio kiom Natavolo, igingin mot me ila." Nasarara Lavovo kiom ipon page nagol nalnge.⁹ Iom kukime nagol nalnalnge me tinim siange page nagol siangesiange. Taiola Natavolo, am Tavolo, ie isauom page lavue ke natinigelgelnga einge ngata pagire waiem terenge pau.¹⁰ Iange, mugalo iom tole natatano pua. Me heven eio ipot page iom vagem. ¹¹Ire pa tikaura, me iom pa kuggingin, ire pa timotmot tiwai namalo mugange.¹³ Pa Nasau tia Natavolo i vulre ensel, "Iom kumate knge vagek otai palaso natolre iom amili timai kuruatare knge aem vulolua"? ¹⁴Ge eio ire ensel sogan tikeve lourata, me terenge tigulore timai so tipaulore seime tikim so titoke natokomulengaga kire ?

Chapter 2

¹Eiota ita sevaio takis rungke naremonga ke nangonga eniko, ita talonge ilao. Pavile ita tawatae avo me tapapul rimera pae. Nangonga eniko.² Muga ngata Natavolo ikeve nangonga ila kire ensel aore, nangonga eniko imari rung. Me natamtamaol ikeve nasagula me tinia avo page nangonga eniko, iepa itoke nakolga siange.³Eiota eisae so ita tako me tapapul rimera page nourata navinge ke natokomulenga? Eniko nagol ke tatokomulenga page ita ,ipot malamalange ke einge ie mot me pageire, seime tilonge pau.⁴Natavolo ikeve rung langonga page nalaganga gegeia me nourata kakakngare me ie ipotare natengainga ke nanun nalnge isou ke naremonga kie.⁵Natavolo itore ire ensel so tiwai namariringa ke natatano paua avo, soknge pa ipot eimul iwai ire tingongo.⁶Knge Natavolo langonga silaua tea, navolatea ivul vileko, "Natamtamaol ie nasae, tako iom remom songangan page ie?" avo namelamela natamta ke natamtamaol, tako iom kukep pue ko?"⁷ Iom kaine natamtamaol rounsio polia lia pagire ensel, iom pamere ie page nagiro me namir. ⁸Page ie volem eio Natavolo ikevire navulnga neiwol timai knge aia vulolua. Nagoltea isio mange avo. Me eiliakoko ita taleire navulnga neiwol timai knge vulolua avota.⁹Me ita taleie Yesos isio vulolo pagire ensel page nasau morua volem. Me page naremo sianganga kie Natavolo, eio ie itoke namuli kita natamtamaol me Natavolo ivira page ie me apata Natavolo ipavire mule me ikeve napakurnga me napasis einge page ie.¹⁰Eko popue page Natavolo, pa eisae, navulnga neiwol tipot tigingin ke ie me page ie, so itoko namelamela natamta songan timai tilu knge navavanga. Eko popue page ie, so iwai namuganga ke natoko mulenganga kire ila knge eponga page ematenga.¹¹Pagire eriko seime so tipot popuare me erio popuare o so timai pure tiavolem. Eiota ie mamae ke ikava waia natamta pagire avo.¹²Ie ivul, "iau pa nasasanaie ampasis kire waek natamta, iau pa navou page iom luila ke nalupnga."¹³Me pau, "iau pa remok rung luila kie" me pau, "Aleie, siko iau me namelamela seime Natavolo ikevire pagau."

¹⁵Me page naroro vileko ie ikeve so ipaulore natamtamaol, so tikororange nagol ke namotounga page namatenga.

¹⁶Onauna ngata, ie ikeve nourata eniko so ipaulore ensel avo. tiavo. Ie ikeve nourata so ipaulore ire Abraham lasasame.¹⁷Eiota page navulnga neingurienge, sevaio tipot tintia ngata iwaita ie waia me, me pa ie iwai Hetpris kire me pa ikeve Natavolo nourata me ie isou so ipakosuke nasagula kire natamtamaol.¹⁸Natovanga songan tipot kie Yesos me ie taua igie nakarkarnga. Eiota ie isou ke ipaulore ire natamtamaol page nasau ke natovanga, so natovanga ipot ke ire.

Chapter 3

¹Waekme ngata iami Seime limikavanga gulvek. Matami nana pau Yesos seie Aposel me Hetpris, ita remote isoukngē me taliwole. ²Ie iwatapue ngata Natavolo lagonga, page seie matetoue muga tingtia iwai Moses muga ikepue Natavolo lourata luila ke nangonga onaunange. ³Napisis einge ke Yesos imuga ngata page Moses, pa eisae, natamtamaol igolegole nania imai imule page nania Ie igolegole. ⁴Me nania vunoinge natamtamaol igolegole, me nagolvunoinge eio Natavolo ikainre. ⁵Moses iwatapue nagonga onaunage iwai lourata tame luila ke Natavolo lania, eta iliuole nagonga eimul. ⁶Pa Yesos ipinoni iwai namelamela imuga page nania ke Natavolo. Ita nania kie Natavolo so takis rungke navunga ke natinigelgelnga me tarok. ⁷Pa anunia nalnge ivul vileko, "eliakoko, soge alonge egol, ⁸Iami sevaio akis remomi kute, iwai muga tivumime tigingin kngē natovaga einge ke navalim gorange. ⁹Ke nasau elo tivumime tilonge lekgonga avo me titovauau me page nalai tamta lua tileie legaurata. ¹⁰Vilelo ta tikeviau atek ipapak ta navul, luila keremore ila aluai pagau. Ire tiwotae naroro iau matak toue pagire avo. ¹¹Eta osik pagire me navulvotvot kire vileko, onauna ngata iami asou so ala alukngē nania namaianga kiau avo. ¹²Eta waikme, matami tikono mugula pagami, pavileme tia remua siange me ipulrimia page Natavolo mamatange. ¹³Apavotvot muleami naie vunō, iretivuso" alavoko", pavileme tia mugula kiami, atia rung page napokakanga page nasagula. ¹⁴Ita tasio tawai Krai waia ngata, soge ita takis votvotuke nauguainga kita luila kie matanga ke naurata ilake ekauranga. ¹⁶Seie i longē Natavolo aua me ilongoil? eio natamtamaol ke Natavolo seime Moses i tokomulere ke Isip. ¹⁷Se ilongē Natavolo aua me ilongoil page nalai tamtalua? eio ire natamtamaol ke Natavolo tikeve nasagula, ta timatemate me tikono sapa alelenga kngē navalim gorange. ¹⁸Natavolo ivul pau, ire seime isoupa tilunge napano kngē namaianga avo, eio ire natamtamaol sei me tilonge nagonga avo. ¹⁹Ita tanal so ire tisou so tila tilu kngē napano ke namaianga avo, pa eisae me ire remore votvotia page Natavolo tiavo.

Chapter 4

¹Me ita sevaio matara ikono,pavileme ita tapavurusuke navitnga ke Natavolo so tatoke lamaiainga.²Ita talongo naol popue tingtia wai ire neiwol tilonge muga,me nagonga eko isoupa i paulore natamtamaol avo,seime isou so remore tiavolem avo luila ke naoguaiga me tilonge nagonga avo.³Ita natamtamaol seime ita taoguai,pa ita isouke tatoke napano ke namaiainga,waita ei ivul ,iau pa nounake naosinga kiau,me lagonga onaunange vileko,ire pa isou so tilatilu luila ke napano iau navitke so nakeve namaiainga pagire avo,naetne iau napakaurange nourata neigureinge kiau matanga ke natatano.⁴Ie igongo knge napano maniatia ke naetne masamelua, lapuata Natavolo imaia pae naetne masamelua aimul pae ie lourata neigurainge ei ikevire.⁵Me ie ivul pau vileko, me ire iso pa tila tilu luila knge napano souknge iau aok itole avo.⁶Me isou pa, natamtamaol tegere tila tilu lui knge napano namaiainga kie. Me ire naiol tegere ke Israel tilonge naol popue,ire tila tilu knge napano ke namaiainga avo pa aisae, ire tilonge lagonga avo.⁷Me Natavolo matetoue nasau tia pau ke ita tala taluknge napano ke namaiainga.Nasau eniko eio,"eliakoko,"eimul ke naetne sogan tila, iwai ie ikeve nagonga page King Davit iwai nagonga igingin muga, "eliakoko so iami alonge Natavolo egol,sevaio akis rungke remomi avo."⁸Me so Josua ikeve napano ke namaiainga pagire, eiopa Natavolo isopa igongo pa naetne tiapau avo.⁹Me naetne tia Sabat ke namaiainga kire naiol ainge ke Natavolo takota.¹⁰Ire neiol seime timai ke namaiainga ke Natavolo,eiopa imaia page nakarkarnga kie,iwai ta Natavolo ikeve kie io.¹¹Me ita sevaio ulaulara ke tala talu luila ke napano knge namaiainga,me ta isou pa so talongoilil me tapalele Nagonga avo,wai ire tikeve.¹² Nagonga ke Natavolo mamatange me votvotia, ila ngata page bainat mate lua.Ie isou ke irevo ila ilu mugula knge remora, nanun me navolvola kita.Nagonga tako iwai Jas imari mugula inal pange naremonga kire naiol atere.¹³Navunga tia isou pa ikou ke ie erua avo. Navunga neigur tikono mange me ie ileire navunga neigur ita takevire. Ita pa tamari ke Natavolo erua me taliolre navunga vunoinge ita takevire.¹⁴ Me ita arava Hetpris tako me ie ila ilu luila ngata elo heven,ie Yesos, Namelamela Natamta ke Natavolo.¹⁵Eta ita sevaio takis rungke naremonga soknge ita taliliole. Hetpris kita isoupa remua siange me ikewaita, pa eisae,ita votvotira ke taruatae nasagula tiavo.Natovanga songaneinge sevame tipotot kita,eriko songan tako tipot kio,so titove ie pau.Me ie ikeve nasagula avo.¹⁶Eta ita sevaio tamotou avo,me tala towoike Nasarara Larenren me naremosiangaga kie. Ita talakie,paeisae, ie natamtamaol ke naremo sianganga me iepa ikewai ta. Meso ita rava nakarkarnga,epa naremosiangaga kie pa ipauloita.

Chapter 5

¹Ire Hetpris eio ire seime Natavolo matetoure ke tipaulore natamtamaol ke tikeve nourata ke ipakaure nasagula.

²Ie isou so ikeve nourata mosmos pagire me ire seime remore inal avo me ire seime tipokakare me seie vovotvotia ago.³Page pua eko,Ie sevaio ikeve natengainga ke ipakaure nasagula kire neiwoleigne me Ie pau.

⁴Navola seie ipot hetpris,ie epasis einge me isou page itoke nourata page ie taua remua.Avo.Natavolo sevaio ikave ke itoke nourata iwai muga Natavolo ikave Aron.⁵Me Yesos Krestos ie pau vileko.Ie isou so ivira pamule epasis so ipot hetpris.Avo,natamtamaol matetoue so ikeve nourata.Ie ivule vileko,"Iom namelamela natamta kiau.Eliakoko napot iwai iom tamam."⁶Me ke nangonga lakononga tiapau,ie ivuso,pa iom kigingin hetpris",nae siposipo tingtia iwai Melkisedek."⁷Nae talo Krestos isio navola ke natatano,ie sevaio iraring votvot ilake Natavolo,me ie sevaio ikava votvot me itang songan.Ie iwotai,so Ie isou ke itokomule Ie,me Ie isou so imate avo.Ie ilonge napakilalanga kie,pa eisae me ,ie ivul avo page me irounmule page ie.Onauna ie namelamela natamta,me⁸ Ie ige nakarkarnga ta eneko ipautae ie ngata page nagol ke ipautae nangonga elo ta ige nakarkarnga.⁹Eneko ikeve ipot natamtamaol materua tia ke ipautae nangonga la neiol seime tiwatae Ie, eio isou pa tokomulere. ¹⁰Eio ta Natavolo matetoe me ikeve nourata namuganga hetpris,iwai Melkisedek.¹¹Nangonga songan tako ke Yesos, me iem amelie orange ke empaunakami page nangonga pau eko,pa navaio,remomi inal page tiavo.¹²Iami apot naoguaingare molongata o.Me so isou so avoko ke apautaire tengerepau pa nangonga.Me tiavo.Iami amoro page naremonalnganga. Eta natamtamaol popuare tipautaiami page nangonga ekononga avo.Tia avo.Iami asu ta.¹³Ita tanal so ire eriko seime tisu ,erio ire namelamela kaporporia.Eta ire tinal page nagol nalngetea avo. ¹⁴Me nanga kakakngare eio kire seime natamtamaol tipot eingare.Ire natamtamaol vileio, ire titova salaun ke tikilale nasae popue me nasae siange,ta eliakoko ire tiuotai me remore inal.

Chapter 6

¹Popue, ngata ita sevaio tangongo page nangonga ke Yesus iwai munga ita tatoke. Ita sevaio tatoke napautaininga sokngare kire seima eingare. Eta sevaio tapangun aera kngare nangonga page nagol ke napulnga narelmo, me remora rung page Natavolo me tapul rimera page nagol siagare sokngare mamatangare avo.²Me tipavotvote nangonga soknge, me page alngare terenge ke nawaliunga, me page navage etolnga ke nakuri, me tikeve nangonga pagire seime timate tila "o"so tivira mule me tingongo ke Natavolo mate.³Popue so ita takeve vilelo so iwai Natavolo ivul popue pagita so takeve.⁴Eio isou avo pagire naoguaingare, naiware me natamta seime titoke navavanga ke Natavolo me ire titove natengainga ke Anunia nalnge.⁵Me titove nangonga ke Natavolo, me nimir ke Natavolo paso eimul ipot mange.⁶Me ire timol page naoguainga. Naroro tiapau ke namapulnga pau tiavo.Pa eisae, me iwai ire tipatote namelamela natamta ke Natavolo ke nai gasange pau me tipamamaie ke naiwol einge matare.⁷Nasava i top ta natatano itoke nako.Natatano eniko ipapote nanga nalnge, paso natamtamaol tikumo. Eio natatano soknge itoke nagol nalnalnge imai ke Natavolo.⁸Page naolo itup ke natatano ta ipapote noura siange, eio popue avo pa towoi so siange, me eimul pa ikan la ikaura.⁹Me waime,iem emkeve nangonga kakange eniko page iami saime apul rimemi page.Ie emnal, iami ake pua navulnga I paunake so ie itoko mule iami. ¹⁰Pa eisae,Natavolo ie natamtamaol siange me i pul rimia page nourata popuare ita takeve page ire saime naoguaiga,tametame me tnetne,me paulo tangtang kire ke tikeve alnge enio.¹¹Iem emkim ngata so iami tiatia sevaio avoko ulami me akis rungke narelmonga (naremonga)kiami me aronge nasau tia epa imai ipot iunake so i kepua mi.¹²Sovaio tapot tawai natamtamaol tolatolangare avo,me ita sevaio takeve iwai ire terenge pau naoguaingare saime reoguainga kakange,me tawainga me titoke navitnga ke Natavolo.¹³Page nasau talo Natavolo i vul navitnga page Abram,ie ivul onauna ngata eilut page ie epasis.Page nasae, me tiapau einge page tiavo.¹⁴Me ie i vul," iau pa napavore me nakeve narumpua me tivum kirekire pa tipot." ¹⁵Page naroro eniko,Abram itoke navunga soknge ivitike so ikeve,aimul ie ikisike remua me irok.¹⁶Ire saime tikeve nangonga eilut ke navola teia seie einge ngata pagire.Me nangonga epanalnga mugula ke ire lua,ire sevaio tikeve nangonga ailut ngata so tipakakaknge nangonga.¹⁷Nasau teia Natavolo ipapote narelmo pua kounge ke nangonga soknge ire narumpua so titoke navitnga kie,ie isoupa i mapul avo.Pa vilelo ta ie ivul onauna ngata eiluke ipakakange ie langonga.¹⁸Ie ikeve navunga eniko,page ie isou pa imapul avo.Enio navunga ke Natavolo pa ie ivul onauna iepa ikeve.Eta ita natamta me naiware pa tako tala takou,ita pa matara i wananakire navitnga me taronge iepa i keve pagita.¹⁹Navitnga eniko pa igingin iwai anga ke namamatanga kita.Anga eniko ila luila ngata ke navovo napatopnga ngata,kirimega ke namalo soknge tiparere ke temple.²⁰Yesos imunga pagita tala talu ke navovo,ke ipauloita page nasae ,ie ipot laolia ke iginging mot,aimul page nourata ke melkisedek.

Chapter 7

¹Melkisedek ie, Nasarara ke Salem, me ie laolia ke Natavolo eilut ngata, Nasau tia Abram ipalpun la ipamatematengare Nasarara la tikaura ta ilala mule ila ta isosoke roromania ta ikevire napavorounga page. ²Me Abrem ipotare navulnga ie i tokore ke napalpunga me ipotare tipot sangaul me ikeve sangaul page i la ke Melkisedek. Eta tapapule napasis Melkisedek vileko, Nasarara nagol nalnge .Me ie Nasarara ke Salem pau. Me tapapule pau vileko Nasarara nate tawainge. ³Melkisedek ie tame me tne tiavo, me ie tivuame tiavo. Me ie lava naetne tia ke tne isinge tiavo, me ie laetne tia pau ke namatanga tiavo. Igingin tingtia iwai namelamela ke Natavolo. Ie igingin iwai Laoia nae vunovuno. ⁴Iami sevaio matami nanake Melkisedek, ie epasis einge. Matanga ngata ita tivura, Abram, ie itokore navulnga nalnalnge ke napalpunga, me ie ipotare tipot tiwai sangaul me ikeve arigia tia ila ke Melkisedek. ⁵Ire saime namelamela ke Livai seime titoke nourata Laoia, ire waere sevaio tipotare rivunga, ire sevaio matare nanake seie Abram etuangare. ⁶Melkisedek ie ipot ke narumpua ke Livai avo, me ie itokore navunga arigia ke Abram me i keve ipot napavorega ke Navitnga. ⁷Eio onauna vileko, navolatia ikeve napavorega ke einge tia, natamtamaol tia itoke napavorega kie ie igingin vulolo kie. ⁸Saime titolre rounsio pa titokore navuga sagaul me silaua, me ire telai mulere mepa tisio timamata. ⁹Ita isousou tavul vileko, Livai seime titoke sangaul me arigia me navunga ita taotaie me takeve sangaul me arigia ke navunga, ilake Melkisedek knge Abram vulolua. ¹⁰Pa eisae Livai ilulu knge tivua me anore, page nasau tia Melkisedek isosoke Abram. ¹¹Muga ire awaienge ke Israel titoke Lo, Eliakoko ivul me sevaio tikeve nourata namelame me page nourata tametame kire Livai ire tisousou ikevire ire neiwol tipot popuare, pa eisae me Natavolo ipavul page laurata tame tia pa ipot eimul, eio tingtia iwai taio Melkisedek, eio tingtia iwai Aron avo? ¹²page naetnge tia narumpua ke nourata tamatare timapul, me Lo sevaio imapul pau. ¹³Me page seime navulnga eriko tingongopagire, eio ire seime tikep urata knge Alta avo. ¹⁴Ita taotai o, einge kita ipot ke naolo ke Juda, Moses ivule alnge tia pagire so tipot Pris avo. ¹⁵Navulnga nasae iem emvul malamala soge Pris tia pau ipot tingtia iwai Melkisedek. ¹⁶Eio eilut page Lo ke natatano avo soknge ie ipot Pris, me ipot eilut ke naseinga igingin mot. ¹⁷Me ipot iwai navotvotnga kie, "iom pa kugingin Pris nae vunovuno tingtia iwai Melkisedek." ¹⁸Me Lo ke muga eliakoko titol salke, pa eisae, Lo eniko ule ke ipauloita avo. ¹⁹[Lo ipapot nagol tia nalnge avo] . pa eisae me ie iwoke naroro tia ipot popue ngata ipairileke me naroro eniko, itapa tala towoi ke Natavolo. ²⁰Ie isou pa ikepsape Promis sapa, avo. Ire terenge pau tipot ke naetne soknge ire tipromis avo. ²¹Page Natavolo ivul eilut onauna ngata Yesos ipot Pris, nangonga ke Natavolo ivul vileko, "Einge ivul onauna eilut apuao, ie pa igingin Pris nae vunovuno, me ie ipulpule langonga avo." ²²Page vileko Yesos ikeve Kontrak, eio popue ngata me ipairileke Kontrak mugae. ²³Muga natamtamaol tipot tiwai Pris, pa eisae, ire timatemate me isou pa tingingin tiwai Pris avo. ²⁴Me Yesos igingin nae vunovuno, ie ikisike nourata Pris me ie arua tia avo. ²⁵Paso vilelo ie isou ngata ke itoko mulere natamtamaol timai towoi ke Natavolo page ie epasis, pa eisae, igingin me ipavul ke ipaulore Het Pris eniko isou pa ipauloita ngata. ²⁶Me Het Pris eniko, ieisouta nga ta. Ie esagula avo me ie nalnge. Ie itol mule Gulvek, aluawai ngata pagire natamtamaol seime tikeve nasagula. ²⁷Ie sevaio ikeve natengainga ke nae vuno muga page ipakaurange ie esagula. Me eimul ie isou pa ipakaure nasagula kire neiwol iwai Pris tikeve mugalo. Tiavo. Eio ikeve natengainga page naetne tia volemnga volem me itengai mule namamatanga kie. ²⁸Lo ikeve natamtamaol seime ulare avo, me ipot Het Pris. me nangonga onaunange ipot eimul page Lo eio ipaunake namelamela natamta. Ie natamtamaol nalnge ngata me ie ipot namelamela lautave ke ipauloita me ie pa igingin volem.

Chapter 8

¹Nangonga matanga takeve ilao, eo vileko, engonga remua so ita arava Hetpris tia popue ngata tanilo imate gulvek knge Narenren ke Nasarara lautave vagia otai. ²Me ikeveve lourata pris ke Natavolo lania mot, soknge Ie ikain ngata me natamtamaol tikaine avo. ³Ire hetpris ta neigurainge ko ire reurata ke tikeveve natengainga me ofa matematare pa Natavolo. Eta Iesos pau Ie sevaio lavunga tia ke ikeve natengainga page pau. ⁴So Iesos igingin tatano ,eio ie iwai Pris avo, pa eisae, Pris tako mot seie ikeveve natangainga iwai naotolnga ivul. ⁵Ire tikisike nourata Pris ke napakilalanga enia siko tatano, eneko iwai nounaknga elo gulvek. Eta iwai Natavolo ipangongoe Moses, lawetia ie ikimso igolegoleke navara, eio sevaio kuleilei pue me kuatapopue page elomolomo eio iau nounake iom page knge nalolo. ⁶Me eliakoko Iesos itoke nourata pris i pairilekire pris terenge pau, pa eisae, Ie iwai naloulou ke i pavotvote kontrak paua ie imari eilut knge nangonga navuknga. ⁷Kontrak mugae so popue kngata, eio pa kontrak paua tiavo. ⁸Pa eisae Natavolo ileire nasagula kire awainge Eiota ivul, Einge ivul, alongo, Iau matakoue naetne tiao so pa nakeve kontrak pawa ilupire Israel me Juda. ⁹Kontrak eko tingtia pange nakeve pagire tivumime pae laue mugalo avo iwai nakevire tipot elo Isip. Ire tiwatae nangoga navuknga tiavo, eta iau Eingak napul rimek pagire. ¹⁰Kontrak paua iau nakim so nakeve pagire Israe eio vileko. Iau navul vileko pa natole langonga knge kurire me knge remore. Me pa napot Natavolo kire me ire tiwai iau lektamtamaol. ¹¹Eta ire natamtamaol tisou so tipautaire reniapua me waere me tivulso, "iami sevaio aotai Einge," awainge pa tinal pagau ,ire sapaapa me ire erepasis. ¹²Eta Iao remok popue pa gire me naguloman la matak sopkire eresagula. ¹³Page nagonga "Kontrak paua , "ie ikeve kontrak matanga e ipot mugangeo. Me navunga ipot mugange eio so ikaura me isolia ngata.

Chapter 9

¹Eniko Kontrak matangae laialanga me lagol ke napavulnga.Me nania ke napakilalanga talo knge.²naniania tia ke napakilalanga ire tikelke.Knga navovo matanga natoto ke noul, me nanga ke namamatanga ke einge knga napano mania tia tipate navovo napatopnga.³Me kirimenga knge namalo taio navovo tia pau luila knge tipate"Navovo nalnge ngata."⁴Nasomolong tikaine page gol ke narounga navene kunia puk, elo knge navovo, nakorol motnge tiruke page gol.Matanga talo ilulu knge, me natoto ke Aron,muga isalul me napotngare lua tigeigei ke nangonga sangaul knge.⁵Eilut knge nakorol awa, Ensai lua annunre tarilo me voere tiruk alale nakorol awa. Ensai lua tarilo knge napano mania lo,ealikoko iau isou pa so nakeve nangonga tiea paga navulnga eriko avo.⁶Eimul ke titol puare navulnga, ke naesiposipo ire Pris tila tilu knge navovo matanga go mange so tikeve reurata.⁷Knge nalai teatea Hetpris ie tawaange ngata ila ilulu knge Navovo lua page lo.Me ila sapaavo.Ie itoke natepo me ila ilu ke ikeve nategainga so irulmake nasagula kie me kire awainge matare ikonopua avome tikevire io.⁸Anunia nalnge iunakita vileko,nasau elo nania ke napakilalanga talo,ita rorora ke tala talu ke nania napatonga ipot mange avota.⁹Eko iwai nounaknga so iunakita panga navulnga sotipot ke nasau iko.Navalulnga me natengainga, ire tikeveve ila ke Natavolo, isou so ipenpenre ire natamtamaol irelo tikeve napavulnga lo relmore evo,eta ire tiwotai vileko so ire tikeprau avo.¹⁰Naialanga tarikok tingongo page nanga me na ko me paunga nangol gegigia ke ikevire awainge tipot nalgare.Ire tipavul panga navulnga ke potira golem.Ie ikeve naialanga pagire awainge sot tiwatae ila ise knge naetne ieitol puare navulnga vunoienge.¹¹Jisas Kris imai paua o me iwai Hetpris panga navulnga vunoienge tipot apua o.Ie ila knge nania nalnge ngata me ila ngata page nania mugange. Nania talo ire natamtamaol tikaine page vagere avo pa easae,me nania talo eio nania ke natatano avo.¹²Natepo eko ke meme mebulmaku avo,page ie tepua volem ie ila ilu ke nania ke napavulnga pa tiavolem.Me ie ikol muleita page nakolnga emoronga avo.¹³Soge ire awaintge erimuro panga nagol siangare ke Natvolo mate,eta ire pris titoke natepo ke meme me bulmakau me nalua ke bulmakau onaunange metitok tare page.Ire tikeve vilelo so tipot nalngare.¹⁴Me Jisas Kris tepua eio ila ngata panga navulnga eriko.Ie ikep rau avo me page napavotvonga ke Anunia Nalnge ie itengai mule iwai natengainga mamatange ila ke Natavolo.Me ie tepua ikaine potira ipot nalnge avo.Ie irulmakire ragol siangare ta vunoienge ko metasio nalgara knge Natavolo mate.¹⁵Me page pua enilo Jisas Kris iso naloulou knge Kontrak paua.Page ie lamatenga, irulmakire nasagula kire natamtamaol tigingin vulolo knge Kontrak paua.Me ie ikavare neiolo einge so titoke navulnga ke namamatanga igingin.¹⁶Kontrak iwai natamtamaol teia ikim so itole knge nalaulau so iunak vileko so ie imate,pa lamelamela pa titokore navulnga ta kie lo.Matanga ke ire namelamela titokore navulnga,sovaio ire tinal popue so tamare imate o,eta itolre ¹⁷navulnga vunoienge ke lamelamela vagia.Pa eisae,natamtamaol relmua ikeve Kontrak ipot onaunange page naetne ke ie imate.Meso natamtamaol ikeve Kontrak imamata ta,ieo Kontrak enio ule avo.¹⁸

¹⁹Page naetne enilo Moses ikeve naialanga pagire awainge ,eio ir itoke bulmakau unaunange tepua,me meme,me nako me naolo kilkilwange me Hisop.Me ei itilaklake natepo polpolia knge buk me kire awainge.²⁰Me ie ipavul,"so eko natepo ke kontrak Natavolo ikeve pagami so awatae."²¹Me page nagol tingeia,ie itilaklake natepo polpolia eilut knge navara me natika me navulnga ke napavulnga.²²Me page nagol eniko,natepo volem ikevire navulnga vunoienge tipot nalngare.Meso narago tepore timotok page naetne ke nateinga,eio Natavolo iso so irulmakire awainge eresagula avo.²³Navulnga eio knge navaraio,eio iwai nounaknga volem panga navulnga elo Gulvek.Me ire titoke narago tepore so tikevire navulnga tarilolo tipot nalngare pau knge Natavolo mate.Me ke ikevire navulnga erilo tigingin Gulvek lo tipot nalgare,me sevaio natengainge nalnge tea ilangata page natengainge mugange ke narago.²⁴Jisas ila ilu knge Navovo nalnge ngata soknge natemtamaol tikaine page vagere avo.Eko nanun ke nania onaunange ngata ke Gulvek tiavo,Kris ila ilu Gulvek me imari knge Natavolo mate. Ie ipot iwai naloulou pagita.²⁵Knge nalai tiatia Het Pris itoke natepo ke nategaiga me ila ilu knge Navovo Nalnge ngata.Me natepo elo itoke lo kie ngata avo.Me Jisas ikeve vileko avo.Ie ila Heven so ikep mule iwai natengainga ila ke Natavolo.Me ie ikep toitoikeavo.²⁶Soge ie ikep toitoike,popue so ige nakarkarnga toitoi pau,talo matanga Natavolo ikaine natatano la imai ise eliakoko.²⁷Awainge timatepa tiavolem, me eimul ire sevaio timare knge Natavolo mate.²⁸Iwai taio kris itengai mule iwai natengainga page Natavolo ke irulmakire nasagula kire awainge.Palua pae epa imai pau eimul eio imai ke irulmake nasagula tiavo.Me ie pa imai me itoko mulere natamtamaol seime tiroge.

Chapter 10

¹Naotolnganga eko natomonainga volem navulnga popue so imai,eio navulnga kire ngata avota.Natamta me naiware seime timai towoi ke Natavolo isou paso tipot popuare page natengainga tea ire lawoia tikeveve page nalai teatea volem avo.²Pavile me, natengainga eriko pa tikaura ngata? soge natengainga eriko pa tipakaure nasagula me ire napakilalangare pa tipot nalngare page nasagula me lawe tea ire isou paso tilei knge nasagula avo.³Me natengainga erko tipapote naremonga ke nasagula ke nalainalai ⁴Natepo ke bulmakau me sipsip isou paso ipakaure nasagula tiavo.⁵Nasau tea Krai imai siko tatano,ie ivul,natengainga iami akime ngata avo,me napoti tea iom kutol mutuke pagau.⁶Knge naremonga tea pau,isou paso natengainga ke naringa me natengainga ke nasagula epakosnga iom tinim igelgel page tiavo."⁷Me iau navul vileko,"Kuleie, iau namai napot takola,nanngonga songan tikono knge Natavolo lalaulau eio nalnge pagau,ke napotnaie nangonga me nakimnga pagom. +⁸Ie ivul matanga,"Page natengainga avo,me page natengainga ke naringa avo pau,avome page natengainga ke nasagula iom kukime, avo me iom tinim igelgel page. Navunga eriko. Eriko eio natengainga taio sevame iwataatae naotolnga."⁹Me eimul Ie ivul;"Kuleie,iau nagingin eilikoko so nawatae naremonga me nakimnga kiom."Eio ipakaure nagol mugange ke nagingin puanganga me ipapote nagol ke nagingin puanganga pau. ¹⁰Page naremonga me nakimnga ke Natavolo, iya tapot popuara apua o page natengainga ke Ie anua Jises Kraist ie taua me ipakaurange.¹¹Ire Pris timari naetne tiatia ke tikeve nourata ke Natavolo. Me nourata eniko ke nasagula epakauranga ire tikeve eio isou so ipaulo tiavo. ¹²Me Kraist ikeve natengainga tiavolem me ie ipaukaurange nasagula me ie imate knge Natavolo vagia otai. ¹³Ie tako irokrok me ileire emili so tipot ke ie aia me itole aia eilut kngare. ¹⁴Page natengainga ie ipaulore narumpua tia seime Natavolo matetoure apua so kie. ¹⁵Anunia Nalnge ivul ipot pagita. Page naetne matanga ivul ilao. ¹⁷Iau isopaso remok iwananake me nakisike nasagula kire avo. ¹⁸Eliakoko pa nagol ke tavul avo page nagol siange kire waiera, eiopa etengainga ke irul make nasagula avo o.¹⁹Eiota waiekme ita sevaio tamotou me remora neingur so tala talu knge napano popue page natepo ke Iesos avo.²⁰Eko naroropaua ke namamatanga Krai iwoke pagita page ie anua pae naetne elo namalo iale Navovo mate imasasa.²¹Pa eisae, ita aravaHet Pris tiavolemnga ileileie nania ke Natavolo.²²Eta ita tamai remora nalnge me taogua votvot me remora isio popue page naremo siange eiota nnako nalnge isou pa iwaliuwe anora.²³Ita takis puwe nagonga kita me nasae ita remora ikime kie, sevaio tamotou avo,pa nasae,Natavolo ie seie ivul,epa ipapote ie langonga.²⁴Ita sevaio atera ke tapeike waera remote ke tikimre waere terenge pau pasoge tikeve nagol nalngare. ²⁵Ita sevaio takororange nagol ke naluplupnga avo, iwai ire natamtamaol terenge pau tikeve io avo. Ita sevaio tapaulo songan kire waera terenge pau,pa vileko, Krai lamatenga imai towoi o. ²⁶So tanal page nangonga onaunange o me takim so takeve ta,eio napaulonga ke nasagula sio avo o. ²⁸Natamtamaol seime tiwatae Moses langonga avo , ire erio taela timate,me pau page ire lua o tol soge tisasanaie ere sagula. ²⁹Namaringa ke Einge mate ionge pa iom remom page, ire natamtamaol pa titoke so tivul rouna me tipasiange Natavolo Tua me tikeve kontrak iwai navunga sapa me pau natepo soknge ikainre me irulmake ire me navulsianganga page nanun ke naremo sianga.³⁰Ita taotae nangonga eko, "nauosianga me nagol ke napamulenga ke nakepraunga eio kiau."Me ie ivul pau vileko,"Einge pa itilo nanakire ie latamtamaol."³¹Eko navunga navinge ke tamotou ke tatavul knge Natavolo vagia ke namamatanga !³²Soge remom imule ilamugalo,me so kurim ipot imalamalanga,soge kumari rung me kupairileke nakarkarnga me nakarnga. ³³Iom pot mange pagire naiwol page seime tirika pagom,ire tivul siange me tikep siangange pagom me iom tilonanake nagol vuno me natamtamaol tigingin knge nakar tingtia. ³⁴Iom remom siangange pagire seime tigingin knge nania kire nakep raungare,iom tinim igelgel volem so natamtamaol tikep siange me titoko limvunga.Pavileko iom kuleiknge so lemvunga popue me eingare tigingin nae siposipo.³⁵Eiota iami sevaio asuruve naoguai votvotnga kiami eniko avo, pa eniko ekolnga abinge. ³⁶Iom sevaio Atem iroun eta kutoke navitnga ke Natavolo so kukep kosuke naremonga ke Natavolo. ³⁷Nasau towoi imai, seie pa imai kie, eio pa imai towoi me isou so irok molo tiavo.³⁸Ire natamtamaol nalngare pa tigingin page naoguainga volem.Eiota so iruamule page naremo votvotnga eio isou pa iau tinik igelgel page ie avo. ³⁹Me ita tawai ire natamtamaol ke narua mulenga me siange io avo.Me ita seime takiskisike naoguainga rung me tapinoni pua page atera.

Chapter 11

¹Alavoko naoguainga kita ipautaita ngata pagire navunga ita tarok ke tatokore me pau, navunga erora i leire avota. ²Ita tivurame tioguai, eio ta popue page naoguainga kire. ³Onauna, page naoguainga ita taotai so Natavolo ivul me navunga neingur ti pot, eio ta navunga neingur isou ke ti leie. Eio ikeve page nasae taleie avo. ⁴Abel remua rung page Natavolo ta Natavolo i toke Abel latengainga me Ken avo. Page nasau elo ie ipot popue ke Natavolo mate me Natavolo igongo pua page natengainga kie me Abel imate o, me ie naoguainga kie ingongo ta. ⁵Enok iwoguaie Natavolo ta Natavolo itoke ie, ta ilaie namatenga avo. "Me ire tikau kilkilke me tiseke avo." Page na sae, Natavolo i toko mule ie o. Nasau Natavolo i toke Enok avota, Enok ie nalnge ke Natavolo mate. ⁶Natamtamaol iwoguai avo, isoupa i keve Natavolo tinia i gelgel avo. Elo popue ngata soge teia i kim soge ila towoi ke Natavolo ie popue ngata. So natamtamaol i la towoi ke Natavolo me remua rung page Natavolo igingin me Natavolo ikep popue pagire ire natamtamaol Seime tikau kilkilke. ⁷Pa nangonga volem Noah itoke napanalga page navuga kie ilaie avota, Ie lagol nalgare me ikaine Naoga ke iliwole narumpua kie. I kevillelo lapua ipamatenge namir ke Natavolo eko me ipot nasasa ke nagol nalgare me nagol ke naoguinga. ⁸Abraham iwoguai, matanga talo ilonge nakavanga me i watae ila ke napano so ie itoke iwai ie lapano mot. Ta ie ila ipot, me ie i watae avo pa ila siang. Ie iwoguai me igingin ke natatano eko ⁹iwai natamtamaol ke ire terenge. Ie me Aisak me Jekop tigingin ke navara, me ire narumpua Natavolo ivulre so ikeve pagire. ¹⁰Nae vunoinge ie irokrok so i leie nania votvotia, me nania ke Natavolo i papote nanalga ke nangonga me nourata. ¹¹Page naoguainga volem, Sera i korarange nagol ke nasikmelamelanga, Abram iwoguai votvot so ipot iwai namelamela tamare. Tagule ie ipot iwai nakolman ngata, me ie laoguainga vilelo Natavolo i keve nangonga votvotia so ie pa isik melamela. ¹²Pa vileio, navola tiavolemnga ipot nakolman ngata towoi ke imate, ie pa ipot namelamela tamare. Ire tipot songa ngata iwai naputom ke nagulvo me namaga paele i souso navolatia inine tiavo. ¹³Ire natamta me neware eriko tiwogaie Natavolo la timate. Ire titoke navuga popuare Natavolo i vul votvot kire so ikeve pagire. Tiavo ire timari me tilaire navuga erilo alwai pagire ngata tinre igelgel pagire. Me ire mamare ke tivule. So iem emgingin ke natatano iwai natamtamaol ke napano rolwe. ¹⁴Soge ita talongore natamtamaol tikeve nangonga tiavolem ko, eio ita tanal, ire tikim so, tipaunake natatano mot kire. ¹⁵So ire matare nanake napano manialo tiko rarange timai io, eio pa timule tila knge. ¹⁶Ire tikim ngata so titoke natatano paua tiapau gegia page mugange. Eio Gulvek volem. Paso vilelo Natavolo i souso mamae page ire rengonga avo. Pa eisae, ie mate towe napanotia kire paua so tila knge. ¹⁷Page naoguaiga volem, Natavolo itove Abram, page tua Aisak so iwai natengaiga. Ie lamelamela tiavolem ngata ke natengaiga. Page ie namelamela tipot. ¹⁸Nasau talo Natavolo i vule Abram, "page Aisak vole nativu pa erepasis tipot." ¹⁹Abram remua vileko, soge Aisak i mate, Natavolo isou pa ipamule. Soge onauna ngata, ita tangogo nakounga pa navunga eniko imai ipot. Abram itoko mule tualia ke namatenga. ²⁰Ke naogainga tipot, navunga tipot ke Aisak me ie ipapote napavorenga ke Jekop me Eso. ²¹Jekop iwoguai so i mate, ta ipavorowe namelamela lua ke Joseph. Jekop i kataia me ivirapage Natavolo. ²²Joseph iwoguae lawe elo towoi ke imate me ie ivul. Pa eimul pa ire Israel pa tiko rarange Isip me tila. Ta ie ivulre pa navunga terenge ire pa tikeve page ie volvolia. ²³Page naoguainga volem, Moses i pot, ire titol tonganke natop tol, tame me tne tileie namelamela popue ngata. Ire timotoure Nangonga ke Nasarara einge [King] tiavo. ²⁴Page naoguainga, Moses, eimul ie ila ipot navinge lo, ie imotou so i vul ipot so ie namelamela ke namelamela neiwe ke Faro tiavo. ²⁵Eta, ie i kimso ige nakarkarnga i tolangare natamta me neware ke natavolo me ie tinia so i pagelgele nagol ke natatano ke nasau polia ko avo. ²⁶Ie ileinge vileko so, nagol ke nawatanga Natavolo eio einge page nagol ke Isip. Pa eisae me, ie ilalae ekolnga. ²⁷Page naoguainga volem, Moses i korarange Esip. Ie imotoue naosinga ke Nasarara einge [King] avo, pa eisae ie ileie einge talo ikou luila kie. ²⁸Page naoguainga volem, ie iwotai so Natavolo i warmule elo Esip page natepo eilut ke naramo, eio ta natamtamaol ke ilaumatematenga namelamela loutavetave isou pa ipamatemategare namelamela natamta Israel. ²⁹Page naoguainga volem, tivut kisike naitai kilkilwange me tila tipot ke natatano pitia. Nasau talo ire Isip titove so tiwatare naitai imai iruk alare. ³⁰Page naoguainga volem, Jeriko egel ivilil iroun talo ire tilala valiu page naetne masa me lua. ³¹Page naoguinga volem, Rehapi, neiwe neigau tne ie imate itolakngare ire neiwol ke nalongoililnga pa iesae ie itokore natamtamaol ke nalei nananga ke natetawainga. ³²Nasae tengerepau pa nangongo page pau? Iau pa nalavurusuke ke naetne enio so iau napanale Gidion, Barak, Samson, Jeptai, David, Samuel ³³ me ire narutame [Prophet]. Page naoguainga volem, ire tila titokore namuli avoko page naremonalnganga ke atoke nangonga me ire tialare Lion aore. ³⁴Me naseinga ke naringa isamore tiavo me ire tapavurusuke napul mate me ire tinrepopue me tipot votvotire page napalpunga me timuga page namar nania rolware. ³⁵Ire neiware timateo pa tivira mule. Ire terenge pau pa tirikapagire ire tinre me isou pa tinreser avo page ire reviramule nganga pau. ³⁶Ire tengere pau, titoke natovanga luila ke nangonga siangare, me ire tikanakire, tikaukaukire vagere me aere page naolo me titolre ke navovosiange. ³⁷Me ire tipamatengare page

napotnge, me ire tivre tiwai luwa, me tipamatengare page napul. Ire tiruk alare page Sipsip me Meme kulkulre. Me ire regoltatiavo, ire tirikapagire ngata, ire tivulraukire me tikepsiangere pagire.³⁸ Ire tinre pae natatano avo, ire tivaliu sapa ke napano navalim gorange, ke nalolo me napot livlivua me natatano livlivore.³⁹ Onauna ngata natamta me neiware ire ko Natavolo tinia igelgel page naoguainga kire, me ire titoke nangonga avota, soknge Natavolo ivule.⁴⁰ Natavolo lamatatounga popue pagem, page nasae. So, iem emgigin avo, navunga songan isow pa tipotpua avo.

Chapter 12

¹Sovilelo, nei wol i valiuta iwai nagagau naveinge, ita sevaio takorarang napol siange itova so ipamolta taroun me tatilake nasagula, ikep ikis mule namamatanga kita. Eta sevaio mosmos me tawavel ke nawavelnga eko. ²Matara ila tagerapue Yesos, ie pua page napol vuno me narelmonga pua kita. Natinigelgelnga einge iroge talo eio ta Yesos ige naigasange ie i pali ke ige neivo patange me namamanga avo. Eliakoko ie imate ke lavovo napatopnga ke tame vagia wotai eilut. ³Sevaio relmora votvotia page, ire natamtamaol siangare tikep siange page, ie imari votvot me ige naivo patange ise eilut page, eta sevaio tanauleta ke tawatae kute. ⁴Iami amari votvot me aelke natovnga ke nasagula la ala aseknge nakonoutnga ke natepo ilele. ⁵Matami sop kire nangonga eriko avo, ire tivuliami page, "lemelamela, sevaio aleie patange me aruamule kute, so einge ipanal iami." ⁶Ainge sevaio ipanalnalre naiwol seime ie ikimkimre me ikanakire namelamela me itoko mulemulere. ⁷Iami amari votvot me atimi iroun, sogē Natavolo ipanal iami awai namelamela. Natavolo ipanalnalta iwai tamara me siko tatano tikeveve. ⁸Sogē teia itoke nangonga ke napanalnga avo, eio iwaita eio namelamela taio tame isoke avo io, ⁹Tamaem siko tatano eio tipanalnal iem me iem emtoliem ke ire vululore volem. Sevaio emtoliem emroun, emwatae tamaem Natavolo langonga eta isou so emamata igingi? ¹⁰Narelmonga tiapau, Natavolo ipanalta pae popue kita me tapot nalngara iwai ie nalnge mot. ¹¹Sogē Natavolo ipanalta io, epa ikevita takarkar. Lapua io ipapote nate tawainga me napol nalnge ila kire seime titoke napautanga io. ¹²Panalre vagem tivira tinal me aem ereluvua ulare avo. ¹³Kaine rorom ke kulae, meta aem ta siange io ipot popue me ila. ¹⁴Relmom popue pagire weam nei wol me kupot nalngam me Natavolo mate sogē nasagula ikono eio I so kuleie einge avo. ¹⁵Kulei iom pa kep me kulararang Natavolo lakewainga me nate sainge sevaio ikono me irikarika page namatanga eio avo. ¹⁶Kuleie iom pa kep me napol neigau ilulu kiom me waem seime tinal page Natavolo avo iwai iso page nanga livua tiavolem eio ilau kole lautave kie. ¹⁸Iom kumoi ke nalolo kisike me kilale tiavo, Natavolo naringa i vava, natoroma, nakarkarnga naveinge, namule me nava. ¹⁹Iom kumoi ke napano teia napanalnganga ke nataule knge tiavo avo teia egol imai me imai la tikarilenga page elongonga avo. ²⁰Ire isou so tilonge nangonga votvotia imai ke Natavolo tiavo: "so narago tia imai towoi ke nalolo, eko eio tilamatenge page napotnge. ²¹Namotounga navige me nakarkarnga einge ipot ta vilelo ta Moses ivul, "tinik i motau ngata me nasamimi." ²²Pa iom kumoi ke nalolo Saion me Natavolo ie mamatange, Jerusalem ke Gulvo, ire Ensel eingur la eingur tinre igelgel. ²⁴Iom kumoi ke Yesos, ie imari mugula ipangongo page Navuknga pauwa, me natepo ilele me ipangongo panga alngare popuare me gegigia page Abel tepua. ²⁵Sevaio matami ikono pua me kuielke me pul rimem page ie ipangongoami io. Ire isousou tiko avo pa tigingi tatano tilongopue nangonga votvotialo tiavo. Matam polo, Patako page saie ikeve nangonga votvotia me nangonga napalvipnga elo Heven lo? ²⁶Pa nasau teia ie egol inike natatano. Me eliakoko ivitike engonga me ivul, esau tiapau elo pa nanike me natatano volem avo, me Gulvo pau. ²⁷Nangonga eriko, "Nasau tiapau," relmua kounge me navulnga eio so tiko io taela, pa eniknga, panga navulnga eio ikainre io, eiota navulnga sokngare inikrarangare eiopa tisio tigingi. ²⁸So vileko ita sevaio tatoke Kingdom soknge imuniki me itavul avo, ita sevaio tinra i gelgel page me tapakilala pae Natavolo me tamotaue ie volem. ²⁹Aratavolo ie iwai naringa kange ta i kane napol ta vunoinge.

Chapter 13

¹Nakimnga ke waim natamta savaio ikono ila. ²Sevaio gulotilnganga me kepopue ila kire neiwol seime eio iom kunal pagire avo io, Natamtamaol terenge tikev vileko pagire natamtamaol me ire tileiknge so ire Ensel tiavo. ³Matam nanakire natamtamaol ke navovo siange, wai so iom pau talo kire. Me matam nanakire pau waem seime titoke siange ke natamtamaol seime vagere. Wai iom pau talo kusingin kire. ⁴Sevaio neiwoleinge tileiknge iom lem wolanga. Naolanga kounge sevaio ipot mange me popue. Eta Natavolo pa, ipasiangare ire seime tekeve nagol neigau pagire naulaulanga natamta, me neiware. ⁵Me sevaio limilanga ipot popue me kimsongan ke navaiau me tinim igelgel page navaiau kiom mot avo, Natavolo ie ivul, epa ikorangaom avo, me ie pa igingin kiom. ⁶Eta tinra igelgel, me tavul vileko, Natavolo ie akpaulonga, me pa namotou panasae, natamtamaol tia isou so ipa siangawau avo. ⁷Kuleikngare iom amuganga, se iliwole Natavolo langonga pagom, me kulei popue page nourata ire tikeve. Me kutoke naoguainga iwai ire reva. ⁸Jisas Krais, ie igingin iwai nola, alavoko, me nae vunovuno. ⁹Sevako nagonga napokakanga ipavovonge iom relmom avo, me popue so iom atem rung me igelgel. Isou ke nangonga tia ke ipaulore natamtamaol ke relanga tiavo. ¹⁰Ita rania ke napavulnga soknge, narutame ke nania sevaio tileileipue nania ke tiliwolole nangonga me pau isou pa itoke nangonga tia avo. ¹¹Me hetpris ipamategare narago, me itokore tepore tila ke Navovo Napatopnga ke ipenpenre nasagula, me iroukire anore ke nagel mange. ¹²Eta, Jisas itoke siange elo ke nagel mange ke taun, paso, ie ikevire natamtamaol tipot nalgare page ie tepua. ¹³Paso vilelo, ita pau tala tapot mange ke tatoke namamanga iwai ie itoke. ¹⁴Pa iem lemba taun votvotia tea ngata siko avo, eta iem emtol mataem so lemba tea pa imai. ¹⁵Page ie, eta, ita neiwol sevaio takev toitoi ke napasis einge ke Natavolo me tatoke natengainga ila ke Natavolo. Eta ¹⁶iom me iau, sevaio matara sop ke takev puare neiwol einge seime tigingin kita avo, pa eisae, Natavolo ie tinia igelgel page nagol vilelo. ¹⁷Kulongo pue nangonga me kutol muleiom kuroun pagire namariringa, paseime tileileire iami anunimi, eta ire pa tilaue nangonga, ke ire reurata. Kulonge nangonga, eta ire namariringa pa tikeve reurata ke natinigelgelnga me ire isou so osire avo, pa eio nagol popue avo. ¹⁸Kuraring pagem, Eta iem pa relmuem popue me iem sevaio matem page namatenga popue ke nagolvunoinge ko. ¹⁹Iau navuliami, iami isou ke akeve vileko toitoi, pa eisae, iau pa namule namai kiame towoi o. ²⁰Eliakoko, Natavolo ke naremo sianganga, iese ipango mulere ire namatengatenga, eio ie seie einge ileileire (sipsip), ie seie aravainge yesos me page ie tepua, ie ikeve Navuknga (Kontrak) me isio igingin. ²¹Isouriami me ikepue se iwataae ie relmua. Ie isou pa ikeve navungatea pagita popue ngata me gegia kie. Eko ie Jisas Krais seie itoke napasis einge me nagirop igingin mot, Onauna. ²²Eliakoko, Napei mule narelmo kiami waek me, ke matami nanakire nagonga, iau navuliami me nounake nalaulau iwot kiami. ²³Aotai pua vileko, iem waem, Timoty ie isio igingin sapa me page ie, iau towoi ke namai nalei iami. ²⁴Eigule imai kire namariringa me naoguainga tameme me tneime. Me Eigule pau imai kire Itali. ²⁵Eta natetawainga isou ke igingin kiami awainge.

1 Peter

Chapter 1

¹Iau Pita, apostel ke Jisas Krais iau navore nalaulau eniko iwot kiami seime aoguai ie, Natavolo matetou ami kie. Iau navore iwot kiami seime agingin eio Pontus, Galeisia, Kapadosia, Eisia, me Bitinia. ²Eniko isouknge naremonga ikonomot kie Natavolo tamara, iwatae nourata ke nakain golnganga kie nanun nalnge page nalongo puanganga me page natepo ruaruanga ke Jisas Krais. Eta Natavolo pa ikepuami me ikeviame atimi itawai nae vunovuno. ³Ekopa tasanaie Natavolo ie seie aravainge Jisas Krais tame! Luila knge nakewainga navinge kie, ie ikeve nasiknga paua pagita so taoguai me taronge namamatanga igingin page namatenga me navira mulenga ke Jisas Krais. ⁴Eniko eio natoko kesnganga soknge pa ikaura tiavo, pa isousou ipot erilmu avo, me pa isapasapa pau tiavo. Eniko kiom titole talo ikono heven. ⁵Iom Natavolo eselnga taio iruk alaom page iom lemoguainga page natoko mulenga soknge eko iwanga so prek imai ipot elo knge naetne ke nakauranga. ⁶Luila knge eniko iom tinim igelgel ainge ngata, page nasae, aliakoko page nasau morua volem, iom pa kukarkar panga natovanga gegia. ⁷So vileko eiota i paunak popue page iom lemoguainga, eio soknge navulraunga isou so tapasou page gol soknge pa siange lawe teiao tiavo, tagule so titove knge naringa me pa isou avo. Eniko i pot so ipaunake naoguainga me napasis ainge, me namer, pagom page naetne soknge so Jisas Krais i mai ipot malamalnge. ⁸Iami aleie Jisas page eromi avo me akime. Iami aleie aliakoko tiavo me iami aogua ie me tinimi igelgel page Jisas ainge ngata. ⁹Iami atoke limioguainga ainge o pa aisae, me page iami limioguainga eio takola Natavolo itoko mule iami knge nagol siangare. ¹⁰Naremonga taniko ikono page natokomulenga, ke naru tamareme tisasanaie napaulonga soknge so I mai ikono pua me relmomi iwanana popue page. ¹¹Naveta loluainga eio taniko so tikim so tinal page seie me

nasau soknge ngata eio nanun ke Krai ilulu kire iwai nounaknga so ie iliol mule muga ngata page nakarkarnga kie Krai me namer sokngare so tiwatae.¹²Eniko imai i malamalanga ila kire so ire isoukngere so tipaulomulere tiavo, me iom, so ire tiliol page navunga sokngare eko ailiakoko tingogo pagami page, eio ire nangonga ke Natavolo tamareme tiliol iwatae napaulonga ke Anunia nalnge ke Natavolo soknge tigule heven imai panga navunga sokngare eio ire ensel matare ikono page so tileire io.¹³Eta iami sevaio akisrungke naremonga popue, atimi ioun page limiroknga luila kngere napaulonga soknge so imai kiami so Jisas Krai so imai ipot mange.¹⁴Page iami namelamela ke nalongo puanganga, sevaio atolmule iami alaknge naremonga mugagare sokngare erewatatanga eio munga iami remomi ivovo io avo.¹⁵Iwaita seie ikavaom eio ie holi, iami pau pa apot holi kngere limigol vunoinge io.¹⁶Iwata navorenga ikonomot kngere Natavolo langonga,"sevaio apot holi, pa aisaie me iau holi."¹⁷So iom kukava,"tamange"eio natamtamaol seie ke matetoutou puare nourata ke natamtamaol tiatia isoukngere reurata tikevevire eio tako, eiota sevaio tavokovoko me tamotoutou ila isouke naetne ke nakauranga.¹⁸Iami awotai so Natavolo itokomule ami page gol me silva navunga sokngare pa siangare io tiavo,eiota iami sevaio awatare tivumime page nagol siangare erekepnga avo.¹⁹Avongata Natavolo ikol mule iami page natepo kepnainge ke Krai,seie iwaita sipsip lamelamela tamta ewa napelpelnga me nounama avo io.²⁰ Natavolo matetoue Krai mot lapuata eko navunga vunoinge tipot kngere natatanoko, me naremonga eniko ikou la isou page lawe eniko eio takola imalamalanga pagita ko.²¹Page ie eio iami aoguaie Natavolo, seie ipavire mule kngere namatanga me ikeve napasis ainge eiota lemioguainga me limiroknga eio talo luila ke Natavolo.²²Iami sevaio akevire remomi la popuare ngata page nalongo puanganga page nangonga onaunange.Eniko page popue ke nakim polganga pagire waimi,eiota akim poliami tiatia me atimi popue volem me ila.²³Iom kupot paom pau o, eio page nasege sokngere pa siangare page avo,me page nasege sokngere pa taseke namamatanga eio namamatanga me naginginga volemnga nga kie Natavolo langonga.²⁴Pa natamtamaol neiwol tiwaita garas io,me pau ire erevorenga eio iwai palaua me garas navolouta.Garas eio pa timismis me palaua rua ruange pa timolmol.²⁵Me nangonga ke Natavolo eio pa igingin volem me ila.Me nangonga eniko eio naol popue taio emliole iami page.

Chapter 2

¹Me sevaio akeve nagol siangare ke naroro ke napokakanga page tegere pau avo. Eta sevaio kupot natamtamaol ke napokakanga me naparungrunga page tegere pau avo. Sevaio kuvul nangonga soknge napokakanga io avo. ²Iwataio ire namelamela paure meikire page nasu, tingtia volem, iom sevaio meikiom page nangonga ke ainge, page naroro eko iom isou pae pavotvote naoguainga kiom pae Natavolo. ³So iom relmom inalgata onauna ngata so Ainge ie natamtamaol ke ikep puaom ngata. ⁴Kumoi ke Jisas ie Ainge, seie iwai napot mamatange eio natamtamaol titola page, me Natavolo Ainge matetouwe iwaita napotnge popue ngata kie. ⁵Me iami awai taio napotnge mamatange, Ainge ilupe ke ipapote nania ke nanuni ke ikeviom kupot pris nalgam ke kutegaire nategainga gegigia talo Ainge ikime me remua isou me tinia igelgel luila ke Jisas Krai. ⁶Nangonga ke Natavolo igongo vileko, "kuleie ke saion iau nagune kona ston soknge iau matak towe gegia ngata, me seie iwoguaie ie isoupa mamae avo." ⁷Iwai taio naleiknganga page Natavolo igingin kiom seie kuoguai ie. Me napotnge taio natamtamaol ke ikel nania tinia page avo, napotnge eniko eio ipot iwai napotnge terenge pau pure. ⁸Me eio iwai taio napotnge ikevire natamtamaol titavul. Natamtamaol titavul pa ire tilongo pue nangonga avo. Ire matare towe ke ikeve nourata eko. ⁹Iami volem Natavolo mate touami, apot nalngami me akeve nourata Pris kie taua. Iami natamtamaol ke Natavolo ngata avul ipot panga navunga popuare Natavolo ikevire. Ie ikavami amai apot ke nagol ke natoroma me iami aluknge navavanga paua. ¹⁰Muga ngata iami agingin iwai natamtamaol onaunange ke Natavolo tiavo, me ailiakoko iami apot namelamela onaunange ke Natavolo pa muga iami atoke nakewainga ke Ainge tiavo me ailiakoko iami atoke nakewainga. ¹¹Iami narupua seime iau nakim iami, iau nalei iami awai ire natamtamaol ke nania rolwe. Eiota iami sevaio akororange nakimnga ke potimi soknge sevame ipalpun luila kiami. ¹²Iom sevaio kunake nangol nalnge mungula kire natamtamaol tiwotae Natavolo avo io, ire tipasian gaom wai natamtamaol ke nasangula. Mepau ire pa tileie nourata popue kiom me tivira page Natavolo epasis page naetne Krai imule imai pau. ¹³Me tavira page napasis Ainge ke Jisas, me tawatae nangonga kire natamtamaol seime erepasis me tiwatae nangonga pau kie king, pa aisae, king ie votvotia ngata. ¹⁴Me pau ie matetouwe king, pa aisae, Natavolo igulore so tikep siange pagire seime tikeprau me pau ie ivul savurim page ire seime tikeve navunga nalnge. ¹⁵Me pau eniko Natavolo relmua pagom so kukeve nangol nalnge, so iom kukeve vileko, natamtamaol seime tilongopue nangonga ke Natavolo avo iom pa kukevire aore mumun. ¹⁶Kusio gorangam, me sevaio relmom itole nagol siange ke kukeve avo. Avo, kuggingin kuwai nourata tame ke Natavolo. ¹⁷Kunake nangol nalnge pagire awainge me kukimre awainge wai iom waem natamta, kumotowe Natavolo me kuvira page ie epasis. ¹⁸Iami nourata tamareme, atengai mule iami ala ngata kire limiva aingare me agingin vulolo kire. Me pagire seime tikep puami avo eio iami sevaio agingin vulolo kire, avo. Iami sevaio akeve tingtia ila kire ire seime tikep siange pagami. Popue so iom sevaio tinim igelgel, page naetnareme iom kukilale nakarkarnga page natovanga gegigia ¹⁹me neivo patange pa aisae iom kuwotae amtavolo. ²⁰Me nakolnga popue soknge iroge natamtamaol seie ikep rau me itoke siange? Meso iom kukilale nakarkarnga page nagol nalnge iom kukeve, sevaio tinim igelgel pa aisae, Natavolo pa ikeve napasis ainge pagom. ²¹Naremo pua tea Natavolo i kavami eio vileko, iami pau sevaio ainge nakarkarnga. Lawe elo Krai ige nakarkarnga me imate pangami. ²²"Ie iwai nounaknga pangami isou so iami awatae me akeve nangol tingtia iwai ie ikeve." ²³Krai ikeve nasangula tiavo. Me ie ipokakare natamtamaol tiavo. Lawe elo natamtamaol tikep siange page lo, eio ie ipamulere tiavo. Lawe lo natamtamaol tikim so tipamatenge io ie ipamule tiavo. Ie i tengai mule ila ke Natavolo seie namata konongae ke navunga vunoinge. ²⁴Natavolo ie volem ige arasangula ke ie anua lawe lo ie imate ailut ke naigasange, eta ita sevaio takeve nasangula avo me tawatae nangol nalnge. Jisas tinia prekprek me tepua ilele eta ikevita tapot popuara. ²⁵Onauna ngata iami awai sipsip taio isolia io, me ailiakoko iami amule amai ke Jisas o, seie iami amialanga me ami mamatanga.

Chapter 3

¹Page naroro eniko iami neiware naolaulanga sevaio atol mule iami aroun vulolo kire aiwomime. Kukev vileio ire pa tileie nagol nalnge iami neiware akeve, me ire isou pa tingongo avo me rengol isou pa ipaulore natamta ke tipul remore. ²Epa ire tileikngaom page nangol nalnge kukeve me remore popue. ³Iami sevaio aunake popue kiami panga navorenga gon mange avo iwai, napavorenga nakuri lawa, navorenga page gol me alu kire amivulnga nalngare. ⁴Avo, navorenga onaunange eio iom kupaunake luila knge atem, navorenga ke naginginga molo eio vileko. Sevaio kutol iom kuroun me tinim mumun. Eniko eio naveinge me navunga nalnge ke Natavolo mate. ⁵Ire neiware nalngare eio titolre tiroun me tigingin pua volem. Ire tiwotae nangonga onaunange ke Natavolo me ire tiwotai pa so tigingin pua knge aiworeme vulolore. ⁶Tingtia volem page naroro eniko Sera ilongo pue Abraham langonga eta ipate so ie ainge. Iom pau kuwai namelamela ke Sera, so kumotoue nangol siange epa kukeve nangol nalnge volem. ⁷Tingtia pau, iami natamta sevaio agingin kire aiwomime page narelmonga popue me nanalnga, pa aisae me, ire neiware ulaulare tiavo. Iami sevaio akep popue pagire aiwomime, pa aisae, neiware pau pa titoke namamatanga igingin. Iami sevaio akeve nangol eniko eta iwai narovalanga page lemipakilalanga avo. ⁸Ke nangonga ekauranga, iami awainge sevaio relmomi tiavolemnga me akim poliami knge iami atemi me aroun mule pagami. ⁹Sevaio kukep siange page waem seie ikep siange pagom io avo. Iom sevaio kukep popue pagire seime tikep siange pagom io, pa aisae, iom pa kutoke navunga nalnalngare page nangol iom kukeve. ¹⁰Natamtamaol seime tikimso tigingin pua me titoke namamatanga popue, ire aore sevaio i ngongo paga nangoga siangare me tipokaka avo. ¹¹Ire sevaio tipul rimere panga nangol siangare me tikeve nangol popue volem. Ire sevaio tipainake naroro ke tikeve nangol popue me isou so atere itawai. ¹²Ainge mate ikono pagire natamtamaol nalngare me ilongelonge repakilalanga. Me natamtamaol tikeveve nasagula io Natavolo remua popue pagire avo. ¹³Seie pa ipasiangaom, songe iom kukim so kukeve navulnga nalnge? ¹⁴Me so, songe iom kutoke siange page nangol nalnge kiom, iom pa kutokore navulnga nalngare page. Sevaio kumotowe nasaie natamtamaol timotowe ie avo me sevaio relmom neigur page navunga tia avo. ¹⁵Meso, atoke Krai Amivainge iwai navulnga popue ngata. Iami sevaio akoromot pagire natamtamaol eriliwolnga so iami awotae Natavolo me nangol popue kie. Iami sevaio angongo moiau pagire page nangol ke atolmule iami aroun. ¹⁶Iami sevaio atoke naremo nalnganga imai ke Natavolo me seie ikep so ipasiange namamatanga popue kiami luila ke Krai epa mamare, pa aisae, iami natamtamaol ke nangol siange ekepnga tiavo. ¹⁷Eio popue ngata songe Natavolo mate touom so kuinge nakarkarnga songe iom kukeve nangol nalnge me nangol siange avo. ¹⁸Krai ie natamtamaol nalnge, me ie ige nakarkarnga page nasangula kita natamtamaol. Krai ikeve eniko so itokoita tamai towoi ke Natavolo. Tipamatenge Krai ke anua volem me nanun ke Natavolo ipa vire mule. ¹⁹Knge nanun, Krai ila me iliwole nangonga pagire nanun sokngare timate knge kalabus. ²⁰Ire neiwol tivul avo page nangonga page lawe nakewainga ke Natavolo irongire page nasau ke Noa lo, page lawe enilo Noa ikaine naonga. Natavolo ileilei puare natamtamaol talo masa me tol volem page nasau ke naonga naveinge ipot. ²¹Nako enilo iwai nounaknga ke nawaliunga, pa aisae, Natavolo itoko mule iami page nako ke nawaliunga. Nawaliunga eio ke irumakire nasangula kire natamtamaol avo. Me ke itokoami Natavolo ivira page Krai Jisas ke matmat. ²²Krai ila heven me igingin ke Natavolo vagia otai. Ire engel me ire aingare, me naseinga gegegia ke natatano sevaio timai knge ie vulolua.

Chapter 4

¹Eta Krais ige nakarkarnga kire natamtamaol ke ie tinia, eiota iami pau sevaio ainge nakarkarnga page Krais epasis. Eta ire natamtamaol seime tinge nakarkarnga ke tinre epa ire isoupa so tikev nasangula pau avo. ²Pa aisae me ire natamtamaol vileko tingingin ke potire ta, ire isou pa so tiwatae ire relmore avo, me ire sevaio tiwatae Natavolo relmua. ³Iami alala knge nangol ke narelmo mungange eio nangol eriko vileko nangol neigau, neintangtanga, naspaknga me napavulnga page natavolo napokakanga. ⁴Ire pa remore so eniko nangol paua songe iami awatare avo me akevire nangol airiko nalngare avo ko, epa ire tivul siange pangami. ⁵Page lawetia pa imai Natavolo pa ikotimre ire natamtamaol timamatata me ire natamtamaol timatamate o, page lawe enilo ire pa tiliwole Natavolo page nangol neigur ainge ire tikevire. ⁶Page pua eniko Krais iliwole naol popue pagire natamtamaol ire seime timate o, pa aisae, ire pa tipot ke kot ke Natavolo page anore me page anunre ire pa timamata luila ke Natavolo. ⁷Naetne ke Ainge imai towoi o, eta naremonga kiami sevaio ipot popue me igingin rung page nangol ke napavulnga. ⁸Ailut page navunga neigur, iami sevaio akimre waimi tengere pau ngata, pa aisae nangol ke takim songan kire waera eio irukalare nasangula songan ainge. ⁹Aunakire nagol nalnge ke nakimnga me angongo tantang avo. ¹⁰Natavolo itengaire nategainga tiwot kiami tia tia o, eta iami sevaio apaulore natamtamaol tengere pau. Ke iami atimi iami sevaio apaulore me aunake naremo sianganga ke Natavolo pagire. ¹¹Me so tia iliwole nangonga, eio ie sevaio isio iliwole nangonga ke Natavolo. Meso tia ipaulore natamtamaol, eio ie sevaio isio i paulore natamtamaol page napaulonga ke Natavolo. Page Jisas epasis, navunga neigur airiko sevaio tikeve napasis ila ke Natavolo. Namir me napasis ainge sevaio ila ke Jisas krais nae vuno vuno. Onauna. ¹²Waekme, iami sevaio atokrai avo pagire natovanga gegesia pa tipot kiami wai naringa. ¹³Tagule, me so nakarkarnga sokngare iami aigire page Jisas epasis, iami sevaio tinimi igelgel. Me vileko ta iami pa tinimi igelgel ngata so aleie nagiro ke Natavolo page naetne Jisas pa ipot malamalange. ¹⁴Meso ire natamtamaol tikep siange pagami page Jisas epasis, iami sevaio tinimi igelgel. Pa aisae, Anunia nalnge arenge igingin. ¹⁵Me so iami ainge nakarkarnga, eniko sevaio ikeve iami apot wai natamtamaol ke tipamatengare natamtamaol o tikop me tilongoilil alelenga avo. ¹⁶Me so kristen tia inge nakarkarnga, sevaio mamami page avo. Tiavo. Iami sevaio tinimi igelgel me eniko pa ikeve napasis ainge ila ke Natavolo. ¹⁷Ailiakoko naetne ke kot naveinge ke Natavolo ikepsa ipot kire narumpua ke Natavolo. Meso ipot mungula ke narumpua kita, navunga soknge pa i pot kire narumpua seime tiwatapue Natavolo langonga avo? ¹⁸Me songe "ire natamtamaol nalngare tivoko ulare ngata so titoke namamatanga, epa aisae pagire natamtamaol sevame tikep nasangula, ire pa tipot ke Natavolo erua aisae? ¹⁹Eta ire kristen tinge nakarkarnga i sou pa so titole remamatanga ke Natavolo ainge vagia, se ie ipapote navunga neigur.

Chapter 5

¹Iau nakeve nangonga kakaknge pagire iami amimuganga. Iau pau iau namuganga tiapau, me iau seie nagingin me naleie nakarkarnga Krais ige, me iau seie pa naluluknge namer ke Natavolo ke lawe soknge Krais imule imai. ²Page iami nourata tametame me tnetne ke Natavolo, aialapuare narumpua ke Natavolo page nate nalnge, iwatae iwai Natavolo ikime. Me sevaio remomi inal page nourata ekepnga soknge isouso akeve me sevaio natamtamaol tivuliami avo. ³Sevaio atoke Natavolo mulia ke erio saime tiwatami io matare avo. Me sevaio akeve nagol nalnge ta narumpua taio tiwatami. ⁴Me ke naetne namariringa ke narumpua naveinge imai, pa atoke nakolnga einge, igingin volem. ⁵Me page alngare tingtia vilelo, imai onaunange natamta sevaio aroun mule pagami me atolmule iami vulolo kire aingare. Pa eisae, Natavolo iroun pagire seime tivira mule pangire me ie remua siange pagire saime titol mulere tiroun. ⁶Page vilelo iom sevaio kuroun mule pagom ke Natavolo mate me Natavolo pa ipeikom ke naetne ie matetowe. ⁷Ainge amikarkarnga me naremon neigurainge tila ke Natavolo, page eisae, me Natavolo remua ikono pagami. ⁸Iami sevaio awanga me matami ikono, navola siange (Satan) ie namili kita, ie ivaliuliu iwai laion me ikaukilkilke natamtamaol ke ipamatenge me ikane. ⁹Kumari votvot me kis rungke naoguainga. Iom sevaio kuwotai vileko so ire naoguaingare ke natatano eniko ire pau tinge nakarkarnga tingtia pau me tigingin. ¹⁰Molo avongata, me iami pa aige nakarkarnga ke natatano eko. Me Natavolo seie ipon page naremo siangaga, ie ikavami so agingin ke namer kie, me ie pa ipavotvote naoguainga kiami me ikep popue pagami. ¹¹Natavolo ie votvotiagata me eselnga, me ie pa igingin nae vunovuno, Onauna. ¹²Iau navore nalaulau eniko so napanal puami vileko so Silvanus ie waimi natamta nalnge tia ke ileileire puare nourata ngata. Iau nakeve nangonga kakaknge me navul ipot page nourata popue ke Silvanus ke naetne iau navore nalaulau eniko. Nangonga enoki iau navore ko eio onauna, iami sevaio amari votvot page nangonga eniko. ¹³Neiwe eniko Babilo ko, ire natate towe pau, ivul eigule popue pau pagami. Mak pau ie namelamela kiau ivul eigule pau iwot kiom. ¹⁴Apakisike eigule popue ila kire terenge pau me tinimi igelgel me apaunake nakimnga ke Natavolo. Nate tawainga ke Jisas Krais pa igingin kiami awainge.

3 John

Chapter 1

¹Iau navola einge John navore nalaulau eko ila ke waek ngata Gaius, seie iau nakimkime ngata. ²Waek popue, iau napakilala so iom pa kusinginpua pa nagol ta neingur io me pa kurival avo me anunin pa igingin pua. ³Iau tinik igelgel ngata, lauwe talo waem timai tivul ipot page iom lemgol nalngare me iom lemlanga nalngare. ⁴Natinigelgelnga kiau eko iwai natinigelgelnga terenge pau avo, imai nalongo so lekmelamela tilala luila ke nagol onaunange. ⁵Waek nalnge, iom sevaio keve iom atem ngata page nourata keve mugula pagire waem me pau pagire narumpua terenge pau. ⁶Seime tivul ipot page iom lemgol nalngare ke kukimre ire narumpua arigia pau ke sios. Iom keve nagol nalnge ngata ke kugulore tila ke naroro Natavolo ikime. ⁷Pae eisae ire tila tipot page Einge epasis, me titoke nagoltia kire ire neiwol arigia ke Juda avo. ⁸So vilelo, eio ita pau takeve tingtia iwai ire tikeve lo, me ta ita tapot nourata tametame ke nangonga onaunange. ⁹Iau eio navore nalaulau ila kire ire arigia ke sios, me Diotrepas navola seie ikimso ipot matatanga pagire, tinia so itokoem avo. ¹⁰Me so iau namai, eio pa matak ikono pau page nagol ta neigur einge ie ikevevire io, me nangonga gegigia me siangesiange ikeve pagem. Ie ipon panga ie lagol eriko, eta ie itokore waia me ikepuare avo. Me pau ie ilitaire ire arigia seime tikim so titokore, la tipakaurangare tiko ke sios. ¹¹Waek popue, iom sevaio kuatae nagol siange kute, me sevaio kuatae nagol nalngare. Natamtamaol seie ikeveve nagol nalnge, eio ie ke Natavolo, me natamtamaol seie ikeveve nagol siange, eio ie iwatae Navolo tiavo. ¹²Ire neiol naoguaingare tikeveve nangonga popue page Demetrias, me tivul ipot vileko, so ie eio navola nalnge luila ke nangonga onaunange pau. Iem pau emvul ipot page me iom kuotai iem lemngonga eio onaunange. ¹³Iau lekvulnga neingur ke navore imai kiom, me iau tinik so navore navulnga neingur ko ilu ke nalaulau avo. ¹⁴Me ko nakim so nalei iom peilei, eta naleipue matam me tamilua tangongo. Natetawainga ke Einge imai ise ¹⁵eilut kiom. Waem tivul eigule popue iwot kiom. Pakesike lekua eigule popue ila kire waek me tiatia pau.

Jude

Chapter 1

¹Iau Jut,Jisas Krai s lourata tame iau,me waek Jems.Iau navore nalaulau iwot kiami natamtamaol seime tamara Natavolo ikavami me ikimiami.Ie ileilei iami pa iami ke Jisas Krai s.²Me naremo sianganga, nate tawainga page Natavolo tipot einge la einge ngata.³waik me iau navoko ulak pa nalaulau egeigeinga imai kiami page nagol soknge Natavolo ikeve ke itokomuleita.Eta iau remok so iau nageigei imai so navuliami so avoko ulami me akis rung ke narelmo eio Natavolo ikeve pagire natamtamaol naoguiangare. ⁴Iami awotai avo me ire narelmo tawainga page Natavolo avo io tikautale timai tilunge narumpua me tikeve napautaiinga ke napokakanga me tipapule alnge ke nakewainga ke Natavolo pae nagol siangare.Ire remore rung avo pae Einge,ie Einge kita Jisas Krai s.Muga ngata lo Natavolo ivul vileko,ire natamtamaol ire sevaio tila tipot nalongonga ngata tea ke Natavolo,me pa tisolia.⁵Iami anal page nagol erio io, eta napapei matami pau.Eio iwai muga Einge itokomulere Israel tiko rarange Isip, paso eimul eta ipasilangare ire seime remore kie avo.⁶Me pau ire Ensel neingur tinre so tigingin pau avo pae napakurunga me namir Natavolo ikeve pagire,eta tikororange nagano.Eta Einge ikaukau kire pae nalele me tigingin knge nagel nae ta vunovuno ko.Ie igalalare knge natoroma nagiso ngata io,me pa tiroge naetne ke nalongo nananga einge ke Natavolo.⁷Iwai ta Sodom me Gomra me ire nania tnetne towoi polol ire tikeve alnge tingtia iwai ire Ensel tikeve.Ire tiwotae nagol siange me tikeve nagol neigau ila gegia iwatae nate siange kire,vilelo ta titoke nakolnga siange ke naringa ekaurangae avo.Algare erilo tipot mugao,remora iwananake me tawatae avo.⁸Ke nagol tingtia ire lo tiwatae nagol gegia ke nakono vivitanga siange siange kire me tipasilange mule tinre.Ire tiraring me tikure Natavolo egol avo me tivul siange pagire Ensel heven pau.⁹Page nasau tea Ensel materua,Maikel me satan tikeve naupolnganga page Moses anua, Maikel ilongoil avo,me ikeve nangonga tia page satan avo.Me ivul vileko,"Einge volem pa isio pagom."¹⁰Pae natamtamol eriko tigongo siange page navunga sokngare tinal page pure avo. Ire tiwai navunga sapasapa ta kurire avo io,eta ire tiwatae nagol ke anora volem. Pae regol elota tipasilange mulere. ¹¹Ire sevaio tileileire. Ire tilala tiwatae nagol ke Kein.Ire remore einge page navaiau napot,iwai Balan ikeve la tilupe esagula tiavolem. Paire tilongoil pae Natavolo, iwai Kora, page nagol elo eio tisolia.¹²Ire tiwai ta nakur ke natai ikou me irika pagire naoga. Ire taio tirika page naluplupnga popue kiami.Mamare avo,meso tikan eio remore pagire volem. Ire tiwai ta nagagau eako avome namule igigire, ire tiwai nai ta anua avo pae ie esau me tikulekire la timate alutnge palua. ¹³Ire tiwaita natai erevo imapalala einga ngata itolaknga regol siange siange, me namamanga kire ipaunak mulere iwai ta natai ngawa. Ire tiwai ta naputom tiwavelvel knge rorore avo. Natoroma nagiso, Natavolo mate toue pagire paeisae, nania taio pa tigingin knge nae vunovuno.¹⁴Inok ie natamtamaol masa me lua eimul pae Adam,eta ingogo wowoipua vileko, naleie Einge imai itolakngare vunovuno Ensel kie timai. ¹⁵Ie imai ke isivare me ilongo nanakire nei ol, Ie ikim so ikevire natamtamaol ire remore rung page avo io, eio so tilaiknga mulere panga regol siangare tikevire, seime eresagula epa Natavolo ikevire tikilale kire ngata pae rengonga siange siange pae Ie.

¹⁷Waekme iami natamta,iami sevaio matami nanakire naru tametame ke Einga kita Jisas Krai s Ie ipot nae.¹⁸Ire tivul vileko,"naetnare me eremoronga,natamtamaol ke nangonga geigei nganga epa timai me pa tipul tipul rimere pae Natavolo me tiuatae naremo siange kire io."¹⁹Ire tipirpirke naluplupnga, ire tiuatatae narelmo ke natamtamaol ke natatano.Me Anunia Nalnge igingin kire avo.²⁰Me waekme natamta,naeta sipo sevaio remomi votvotia pae Natavolo me agingin luilake Anunia Nalnge me apakilala ke ipauloami. ²¹Sevaio agingin luila ke nakimnga ke Natavolo volem.Sevaio aroge nate keuainga einge kita Jisas Krai s me ie pa ikeve namamatanga igingin.²²Sevaio remomi siange page natamtamaol remore ule avoio.²³Iami sevaio apaulore ire terenge pau ta isou pa so tila knge naringa ta siange igingin volem.Sevaio remomi namotounga me remomi nakeuianga ngata pagire waimi, me iami alau potami asio aluai pagire natamtamaol tikeve nagol namuro iwai taso ire erilulunga ta emuro ngata lo.²⁴Natavolo ileilei puami me isou paso amol avo.Ie isou ke igiami ala ke nania popue kie,me isou page amisagula avo, me silo epa natinigelgelnga einge ipot kiami.²⁵Me Natavolo tiavolemnga Ie arapaulonga luila ke Jisas Krai s,Einge kita.Ie igingin King.Me ileileie nagol tavunoinge ko.Napasis einge me navotvotnga eio kie volem.Ie igingin muga eliakoko pa epa igingin vileio tingtia volem ila me ila.Onauna.